

段祺瑞



上海
廣文
書局

提 要

民國成立條將十稔政潮起伏迄今靡已而始終捲入漩渦身當其衝者厥維段祺瑞氏清帝遜位聯電促成者段氏也二次革命削平南服者段氏也項城稱帝首先反對者段氏也利用督軍挾制黃陂者段氏也張勳復辟起兵討逆者段氏也用兵南方排斥異己者段氏也對德主戰結好東隣者段氏也今則身雖在野而隱然仍握中樞之政柄舉凡重要問題當局必殷殷諮詢徵取同意所謂統治大權上不在總統府下不在國務院而別有所寄儼以一人繫國家之安危者段氏其誰歸本書於段氏平生事蹟自前清以迄今日分章別節從實記載雖無遺條理井然並附段氏之人物段氏之軼事尤覺別開生面趣味橫生凡欲知段氏之過去以及推想未來段氏之爲何如人者當必以先觀爲快矣

782.88
879-752



3 0402 6436 2

段祺瑞目錄

緒言

上編 段氏之歷史

- 一 家世……………三
- 二 幼年及學生時代……………四
- 三 留學德國時代……………四至五
- 四 項城練兵與段氏……………五至六
- 五 任統將時之略史……………六至七
- 六 清帝遜位之首倡……………七至八
- 七 任陸軍總長之略史……………九至一〇
- 八 任湖北都督及勦辦白狼……………一〇至一二
- 九 任內閣總理之略史……………一二至一五

目錄

一



A 231618

- 十 任督辦參戰之略史……………一五至一六
- 十一 馮段之同時下野……………一六至一八
- 十二 參戰之受勳……………一八至一九

中編 段氏之政績

一 段氏前清時代之政績……………一至二〇

- (1) 北洋之練兵 (2) 新建軍之緣起 (3) 小站軍區之關係 (4) 段氏練兵之效果 (5) 江北提督之重要 (6) 段氏提督江北之由來 (7) 段氏在江北時之清廉與風雅 (8) 段氏與革命之影響 (9) 辛亥光復時代之段氏 (10) 革命開始之概略 (11) 任軍統後之段氏 (12) 南北議和時代之段氏 (13) 段氏贊成共和之聯電 (14) 清帝遜位之告成

二 段氏民國以來之政績……………二〇至七七

- (1) 共和紀元時代之段氏 (2) 孫袁交替時代之段氏 (3) 陸軍總長之初任 (4) 內閣紛更時代之段氏 (5) 段袁之關係 (6) 國務總理之代理 (7) 人才

內閣時代之段氏 (8) 正式政府成立時代之段氏 (9) 段袁意見之齟齬
 (10) 段氏之出鎮武昌 (11) 帝制發生時代之段氏 (12) 袁段之外交 (13) 袁氏
 假造民意與段氏下野 (14) 袁氏防段之陰謀 (15) 投閒時代之段氏 (16) 雲
 南舉義時代之段氏 (17) 洪憲用兵時代之段氏 (18) 段氏之推翻洪憲 (19)
 段氏第一次之組閣 (20) 段氏停止兌現之內幕 (21) 黃陂繼任時代之段氏
 (22) 段氏新舊約法之爭執 (23) 國會之恢復 (24) 段內閣之組織及政策 (25)
 府院之衝突 (26) 段氏之對德絕交 (27) 復辟時代之段氏 (28) 段氏討逆軍
 之組織 (29) 段氏第二次之組閣 (30) 段氏之平湘計畫 (31) 王士珍之代段
 組閣 (32) 段氏第三次之組閣 (33) 馮段之交惡 (34) 段氏之下野

下編 段系之人物

一 軍閥……………一至一七

- (1) 靳雲鵬 (2) 徐樹錚 (3) 倪嗣冲 (4) 張懷芝 (5) 段芝貴 (6) 龍濟光
 (7) 張敬堯 (8) 陳樹藩 (9) 楊善德 (10) 盧永祥 (11) 李厚基 (12) 傅良佐

- (13) 吳光新
- (14) 田中玉
- (15) 王士珍
- (16) 曹 錕
- (17) 張作霖
- (18) 張桂題
- (19) 劉冠雄
- (20) 蔭 昌
- (21) 劉存厚
- (22) 周道剛
- (23) 曲同豐
- (24) 岳開先

二 官僚

一七至二七

- (1) 田文烈
- (2) 許世英
- (3) 龔心湛
- (4) 梁啓超
- (5) 范源濂
- (6) 王揖唐
- (7) 曹汝霖
- (8) 章宗祥
- (9) 陸宗輿
- (10) 周肇祥
- (11) 張國淦
- (12) 方 樞
- (13) 張 弧
- (14) 陸徵祥
- (15) 傅增湘
- (16) 呂調元
- (17) 江 庸

附錄 段氏之史牘

一 段氏之家庭

二 段氏之介弟

三 段氏之文藝

四 段氏之經濟

五 段氏之交際

六 段氏之宗旨

..... 一

..... 一至二

..... 二

..... 二至三

..... 二至四

..... 四

七 段氏之嗜好……………四至五

八 段氏之逸興……………五



段祺瑞



段祺瑞

緒言

迴。颺。狂。厲。白。日。寢。光。雲。譎。波。靡。險。阻。相。望。此。非。今。日。之。國。勢。乎。國。之。理。亂。恆。視。人。謀。之。臧。否。在。昔。獨。裁。貴。族。時。代。則。少。數。秉。政。之。人。實。司。其。樞。數。千。年。來。蓋。同。出。一。轍。也。自。清。失。其。政。神。州。板。蕩。豪。傑。之。士。惕。於。國。政。之。窳。敗。懼。召。傾。覆。則。欲。規。撫。歐。米。因。時。制。宜。解。放。舊。章。改。造。根。本。辛。亥。以。還。政。體。維。新。民。國。締。造。於。今。八。載。兔。起。鶻。落。迄。無。寧。歲。內。有。蕭。牆。之。爭。外。有。覆。巢。之。敵。而。肘。腋。之。間。衝。要。之。地。猶。復。嘻。嘻。咄。咄。爲。鬼。爲。蜮。不。可。究。詰。孰。主。宰。是。孰。擲。揄。是。紛。紜。擾。攘。以。至。於。斯。夫。袁。氏。專。擅。已。成。陳。迹。向。潮。流。所。蕩。乃。愈。激。愈。厲。焉。夫。豈。猶。承。獨。裁。貴。族。之。弊。彼。少。數。執。政。之。人。實。爲。之。階。歟。事。實。俱。在。此。其。故。可。得。而。溯。也。或。曰。以。我。國。歷。史。言。之。一。治。一。亂。已。成。通。例。因。仍。相。襲。殊。無。足。恠。故。今。日。之。亂。卽。異。日。致。治。之。機。老。氏。所。謂。既。福。倚。伏。者。是。斯。言。也。似。是。而。實。非。純。乎。謬。想。之。目。論。夫。我。國。今。日。之。大。患。不。在。局。部。之。勝。負。而。在。全。國。之。存。亡。斯。旨。甚。明。稍。有。知。識。者。類。能。言。之。獨。恠。夫。司。樞。要。者。明。

知其非長治久安之道。有百害而無一利。乃激於一時之反動。逞少數人之意氣。甘爲釀禍之媒。委曲進行。嗜之彌篤。無辜之民。乃日處於水深火熱之中。謀一夕之安而不可得。此數年以來。凡我國民。皆身受而引爲切膚者。至於今日。其厭亂矣乎。杞人之憂。竊恐猶未艾也。何則。自袁氏既卒。黎黃坡繼任合肥。段氏出而組閣。恢復國務院。參衆兩院。以次絕而復續。不佞惟時適居都門。方以爲撥亂反正。其機當啟。於是乃未幾而有府院之爭。暗潮迭興。春明冠蓋羣俶。擾於奔競角逐之中。樞機之地。既沉溺於局部之紛爭。厝火積薪。鬱極而燼。而軒然大波。遂隨此起。徐州會議之結果。所由投隙而興也。蒼狗白雲。斯須萬變。復辟泡影。共和再建。四海喁喁。方以爲由亂入治。不意鬩牆之爭。反愈趨於激烈。於是。有湖南之役。有傅周之遁。有閩粵之戰。有陝西之爭。日尋干戈。如環之無端。外禍內患。旁午交煽。至於今日。且未有底止。此三年來之事迹。昭昭在人耳目。爲民國紀元以來。事機最淆亂之時。亦爲合肥段氏一生最有關係之時。識者爲之。撫拾生平。敷陳事實。不禁低徊感慨。弗能自己也。夫段氏以北洋軍閥之巨擘。改革以來。首總戎機。歷膺揆席。自項城以迄東海。爲民國總統者。雖已四易其人。而當國最久者。無過段氏。則合肥實

爲民國重要之人物。而其所行政策。國內國外之關係。國人皆宜略知其梗概。以爲彰往。察來之鑑。此本編之所由作也。編者與段氏既無好惡之私。凡所傳述。初無成見。顧其爲人。沉默簡易。不尙脂韋。更考其生平。亦復悛悛。寡欲似非當世武人所能比擬。茲編既專識事實。知人論世。請以俟諸君子。

上編 段氏之歷史

一 家世

段祺瑞字芝泉。安徽合肥人。同邑周氏饒於資田產甚富。祺瑞之父嘗租周氏之田爲之耕稼。治事勤謹。周氏甚信任之。其後周氏子盛波盛傳。從李鴻章起爲淮軍將領。以勦匪功累遷。至提鎮。祺瑞父亦從周氏軍。初爲哨官。旋以勞績擢至管帶。稍稍積資。以起家。行伍邑人又多以軍事致顯。要故頗重軍事。學識祺瑞既長。則肄業於北洋武備學校。承父志也。有善相人之術者。嘗謂段氏之後必大。茲果依託風雲。倚附新運。祺瑞遂爲民國軍閥之冠。有弟曰祺勳。亦習陸軍。曾留學日本。爲士官學校畢業生。歸國後納貲爲道員。雖無所建白。或其名爲乃兄所揜也。段氏之盛於今矣。手可熱舉全國豪貴世祿之家。皆莫之與京。彼相人

者殆不誣矣。

二 幼年及學生時代

祺瑞幼而岐嶷頗靜穆。兒時嬉戲每好整以暇。見者輒稱其沉默有度。卽偶然言笑亦不涉童騃雜沓之態。初就學於家塾。性殊強韌。同學或狎之。每持以鎮靜。若示以不屑與伍者。讀書亦不甚措意。視老師宿儒蔑如也。長而肄業於北洋武備學堂。惟時清廷惕於中外強弱之勢。一二謀國者宿深知湘淮士卒暮氣已深。弗適用於時。而老於用兵者又悉屬舊時代之軍事學識。無以資教練。則倡議采歐西兵制訓練新軍。又先立武備學堂於北洋。以爲陶冶將材之地。今之羽冠狨座擁重兵仗麾幢專制方面叱咤風雲者。強半皆北洋武備之所植。種因於遜清而民國食其報者。段祺瑞其弁冕也。祺瑞幼承家訓。既入武備學堂。實獲己志。攻業頗勤敏。以力學不倦。見稱於當時。治學既專。每屆學校試驗。輒冠其儕輩。與王士珍等齊名於時。故後人王龍段虎之稱。畢業以後聲譽蜚然矣。今日之左右一世爲國人所傾注者。蓋有由來也。

三 留學德國時代

段祺瑞留學於德國。實爲其一生思想學術經驗材力事業之濫觴。而長養洋溢以成。今日之勢力者。其源皆出於此。噓氣成雲。非偶然也。蓋滿清之季。銳意治兵。欲效法歐洲軍政。以爲通變自強之計。時則海軍最善者。無過英倫。而德意志則以陸軍著於世。中國練兵。方始萌芽。海軍事體。大不易舉。先其所急。宜崇事陸軍。譚知德意志軍制最善。則資送學生。就學於德。滿漢子弟。皆得與選。其時滿人之挑送留德者。如蔭昌等。漢人則段祺瑞。其選也。段氏以北洋武備畢業之資格。與蔭午樓等聯翩遊德。當時之人。莫不稱其勝任愉快。祺瑞至德。益稱素志。既習歐西軍學。復與彼都人士時相周旋。呼吸海外之空氣。觀摩漸漬。亦既有年。由是學識大進。思想亦日新。慨然有澄清祖國之志。嘗與同志討論世界之大勢。每就軍事上之學識。研究中國軍人之弱點。欲一新其制度。頗擬著書立說。以先覺爲己任。故比及歸國。已頭角嶄然矣。其後身任北洋練兵事。以造成今日之軍閥團體者。皆發軔於此時也。蔭昌雖同時游德。而學行之優劣。事業聲聞之隆汙。蓋不可同年而語矣。殆莊周所謂其一能鳴。其一不能鳴者耶。

四 項城練兵與段氏

上章言段氏留學德國爲其一生學識材力之發源。此章言段氏練兵北洋實其一生事業。勳名之基礎。然非藉項城之左提右挈。或未易遽語。及此所謂莫爲之前。雖美弗彰也。初袁世凱爲朝鮮商務委員。頗干預朝人之內政。以是爲日本所嫉。既而朝鮮有東學黨之亂。日人願乘此時機以兵力威脅朝鮮。袁世凱則力主與日人開戰。屢請進兵。既而我軍敗績。世凱歸德。宗召對時。頗言我國軍政之弊。將士多狃於故習。難與外人敵。致有今日之敗。非改絃更張。無以禦敵。國外患乃敷。陳練兵製械事。慷慨詳明。德宗稱善。遂令袁留近畿。練兵。袁乃以小站爲兵區。遴選北洋武備畢業人才。使爲將校。段祺瑞固武備學堂畢業最優者。且留學德國。學行深湛。爲當時所推許。稱爲軍事學第一。世凱旣深器其人。於教練新軍之事。一以委之。祺瑞故凡屬北洋軍官。半出段氏之門。下今日之龍驤麟振。皆造端於此時。而袁氏實玉成之。此段之所以始終爲袁用也。

五 任統將時之略史

北洋練兵固爲段氏一生事業之發端。而亦滿清三百年軍事上之一大變遷也。新建軍之成立（卽北洋所練之新兵）將士以下。率含有革命思想。祺瑞其導線也。祺瑞旣與袁氏

成。教。練。新。軍。之。功。袁。世。凱。遂。執。北。洋。之。牛。耳。段。氏。亦。授。職。統。制。統。制。一。職。在。清。季。視。爲。極。重。非。學。識。資。望。足。以。孚。衆。望。者。不。輕。畀。也。祺。瑞。以。訓。練。之。功。首。得。膺。是。席。於。製。備。器。械。校。演。行。陣。獎。勵。士。卒。諸。大。端。頗。著。成。績。旋。代。王。士。珍。爲。江。北。提。督。士。珍。爲。北。洋。聲。望。最。優。者。其。在。江。北。任。尤。著。風。節。以。丁。憂。去。官。段。祺。瑞。代。之。提。督。禮。制。甚。崇。居。是。職。者。必。爲。當。世。所。倚。重。段。之。資。望。自。此。益。著。辛。亥。之。秋。武。昌。起。義。要。害。之。區。紛。紛。獨。立。京。師。震。動。清。廷。狃。於。洪。楊。之。役。欲。以。武。力。圖。民。軍。諭。陸。軍。部。迅。遣。陸。軍。兩。鎮。赴。湖。北。諭。海。軍。部。出。軍。艦。命。薩。鎮。冰。督。師。兼。率。長。江。水。師。以。爲。援。而。四。方。風。動。莫。之。能。禦。九。月。清。廷。召。蔭。昌。還。京。師。惟。馮。國。璋。仍。留。爲。第。一。軍。軍。統。段。祺。瑞。仍。留。爲。第。二。軍。軍。統。會。師。趨。武。漢。馮。則。力。戰。民。軍。於。漢。口。之。南。入。漢。口。大。肆。焚。掠。外。人。嫉。清。軍。之。殘。暴。遂。左。袒。民。軍。而。馮。則。膺。封。男。爵。段。祺。瑞。於。此。時。雖。與。馮。同。拜。軍。統。之。命。然。未。嘗。與。民。軍。交。綏。旣。而。和。議。久。不。決。段。氏。復。聯。合。諸。將。帥。贊。成。共。和。賢。於。蔭。馮。遠。矣。

六 清帝遜位之首倡

清。軍。雖。得。漢。口。而。各。省。紛。紛。獨。立。土。崩。瓦。解。不。可。終。日。由。是。有。南。北。議。和。之。舉。南。方。主。張。共。和。北。方。則。猶。存。君。主。之。成。見。雙。方。磋。議。久。無。結。束。段。祺。瑞。遵。守。停。戰。期。約。沉。機。觀。變。暫。作。壁。

上之諸侯嘗語所屬曰吾國革命之聲澎湃已久自武昌起事而東南各省頗有雲集響應之勢且民軍舉動不類曩時之洪楊袁項城在汨上嘗謂此次革命不一月將波及全國於今驗之斯言不誣吾儕勿妄動徒擾生民也故雖受清廷之命統軍南下仍持以鎮靜不欲爲天下先迨南京臨時政府成立選舉孫文爲臨時總統各獨立省分已翕然從風傾向共和政體而一二皇室親貴昧於大勢貪戀虛榮膠執私見以與全國相爭持然軍費不足欲戰無餉內帑之所發轉瞬已罄各路統將要求親貴輸戰費則率以無資爲辭或僅輸十數萬金輒示家產典賣之簿據以爲毀家紓難之徵其欺飾如是迨清帝退位之說起而各親貴又欲保存其富貴堅持不讓然北師重將強半皆視段祺瑞爲從違事勢至此知專制君主之局已非人力所能挽回於是段祺瑞首先倡議贊成共和聯合各軍電達內閣奏請宣統退讓帝位宣布共和政體而出使大臣陸徵祥及卸任總督岑春煊袁樹勛等亦根據段祺瑞之聯電引伸其義同時奏陳得失清廷既知臣民意旨之所在各親貴亦自度力有不能敵不敢如從前之抗議而宣統退位之機會遂熟實段氏一電之力則謂之民國首功亦宜

七 任陸軍總長之略史

自南方臨時政府成立建設各部改尙書爲總長以脫君主之窠臼孫文受職之初以黃興爲陸軍總長迨清廷遜位南北統一孫文辭去臨時總統之職薦賢自代提出袁世凱於參議院選舉袁氏爲臨時總統速建統一政府三月六日袁世凱在北京就職總統受任之後其第一步卽爲改組內閣蓋南京臨時政府既取消南京之內閣當然取消也其時唐紹儀以南北議和及統一民國之功被舉爲第一任內閣總理至三月二十九日唐總理列席參議院發表政見外提出各部總長名單陸軍總長爲段祺瑞一以報聯電之功一以北方軍閥惟段氏爲能饜人望且爲袁項城所推重之人故議會之對於段氏長陸軍決無反對之理於是段祺瑞遂任爲民國統一以後臨時政府期內第一任之陸軍總長未幾唐內閣倒陸徵祥繼之各部總長多有更動而段祺瑞則長陸軍如故陸徵祥不久亦辭職趙秉鈞代之閣員無變動迨宋教仁案風潮發生趙秉鈞蒙謀殺之嫌疑南方攻之甚力趙稱疾不出二年五月一日有特任陸軍總長段祺瑞代理內閣之命此爲段氏第一次之代揆既非正式組閣陸軍一席當然兼領段之代理首揆至兩月有餘迨朱啟鈐奉暫任總理之命段乃仍回陸軍原任既而熊希齡組閣外交財政司法交通各部皆易人而段祺瑞之陸軍未動

及袁氏有稱帝之心。段祺瑞極端反對。副總統黎元洪亦不贊成。袁氏患之。乃飾詞請元洪進京。命段祺瑞出任湖北都督。顧當時命令猶曰兼領湖北都督事。仍未開去陸軍總長缺。袁世凱特假此以泥之耳。段祺瑞在湖北都督任。不過兩月餘。旋以段芝實代之。仍令回京。段氏復逗遛京外不遽入都。蓋其時帝制之謀大有燎原之勢。段氏既居反對之列。雖未開去陸軍一缺。然已虛懸矣。未幾項城特設海陸軍統率辦事處。以奪段祺瑞之權。段憤而去。職以王士珍代之。袁氏取銷帝制。仍敦促段氏出山。初任參謀總長。受命而不視事。徐世昌勸段組閣。改行責任內閣。段祺瑞乃爲第一次正式國務總理。兼領陸軍總長。裁撤統率辦事處。恢復陸軍部全權。袁死黎繼。中經府院之衝突。及復辟之風潮。馮國璋之代任總統。要之段氏不出。則已出。則陸軍總長之職。段必兼領之。當時論者謂民國紀元以來。陸軍一席有如段氏終身之官。蓋就事實上言之。誠不爲過也。迨東海受職。段與馮同時下野。以迄今日。爲其與陸軍部脫離關係之時代。然國事方殷。人才缺乏。段氏未來之事實。正未可逆料也。

八 任湖北都督及勦辦白狼

段祺瑞之久任陸軍。既如上章所述。推其原因。蓋有數端。一則段氏之軍事學識聲譽素著。二則北洋練兵之功績衆望所歸。三則爲袁系之要人。雖蒙袁克定之讒言奪其兵柄。而段氏之聲望轉因此愈盛。四則有擁護共和之功。帝制與復辟皆爲段氏所仆。又執軍閥派之牛耳。宜其有舍我其誰之概也。至其出爲湖北都督。實爲袁氏及帝制黨之陰謀。蓋武昌爲革命發源之地。當長江流域之要衝。民國成立以來。卽由黎元洪坐鎮其間。以副總統之尊嚴而鎮攝於此。其爲重要可知。項城既有稱帝之心。又稔知黎氏之不與。已故設策請黎入都。以爲射人射馬之計。然武漢地勢重要。又爲民黨出沒之區。黎既去任。深恐人心浮動。非得一威望夙著之人前往鎮攝。無以收奠安之功。段祺瑞之聞望頗稱勝任愉快。而此時又反對帝制。不如陽假以都督之名。陰奪其陸軍之柄。外可以鎮服人心。內可以蟬蛻龍變。此乃袁氏之詭謀。卽所以去段也。段祺瑞於民國二年十二月至武昌。至三年二月一日卽代以段芝貴在武昌。才兩月耳。而陸軍部之權已爲袁氏所暗奪。迨其交卸都督後。正欲入都。袁氏復沮之。屬其籌勦白狼白狼。爲豫匪巨魁。然初起時勢力甚薄。河南都督張鎮芳袁世凱之表弟也。養癰貽患。遂致匪勢日益蔓延。袁氏既以段代。段而又不欲祺瑞之遽回陸軍。

本任故假。勦匪問題。以遲其行。既而三省官軍擊敗白狼於豫境。匪竄陝西。豫事暫告一結。束祺瑞乃歛段入都。則內部之更張。已有遼鶴歸來之感矣。不一月而統率辦事處成立。陸軍部僅存虛名。蓋謀稱帝者必先握兵柄也。至是段氏遂下野。

九 任內閣總理之略史

段氏之爲內閣總理。與民國有極大之關係。當段祺瑞第一次下野。則有洪憲之變。第二次下野。則有復辟之亂。民國建設以來。兩大變動。皆在段內閣解組之後。其於共和政體之擁護。按之事實。固昭昭在人耳目也。段祺瑞之在民國本爲重要之一人。徐世昌未仕民國時。段已置身樞要。其第一次代理內閣總理。在民國二年五月一日不旋踵而二次革命起矣。段以總理兼陸軍。事輔袁氏。規畫戰守。當此多事之衝。頗著勞績。至七月十六日。趙秉鈞正式辭職。袁氏以朱啓鈴爲總理。段氏始卸代揆之責。然不及一月。熊內閣卽出現。惟時交通朱啓鈴。財政周學熙。外交陸徵祥。司法許世英。皆聯袂辭職。而段氏仍專總陸軍。迨籌安會發生。而段氏以反對帝制。故卽免陸軍總長之職。以王士珍代之。此時段與袁早不相能。惟王士珍不肯出山。經袁克定等往復敦請。再四勸駕。始出而代段。段既去職。袁氏猶忌之不

許其出京一步。段則角巾野服，杜門謝客，以爲遵時養晦之計。既而袁氏假造民意，力圖帝制。徐世昌勸之弗聽，徐亦稱病求去。然徐猶得爲嵩山四友之一，而段氏則日處於猜忌疑貳之中，無異坐擁愁城也。迨西南起義，各省獨立，袁氏知帝之不可爲，下令取消洪憲。年號遂遣人請段祺瑞、徐世昌入府，屬其維持己位。段初不允，經徐氏以私誼要之，始出任。事時則民國五年三月也是月二十二日任命徐世昌爲國務卿，段祺瑞於次日任爲參謀總長。未幾徐世昌辭職，由段改組內閣，是乃段氏第一次爲正式總理。項城既死，段氏請黎黃坡繼任。六月三十日，段乃著手正式組閣。復經國會之通過，嗣後因府院之衝突，負氣出京。經多數人之調解，段始返自天津。洎對德宣戰案提出，國會沮之，不予通過。黎總統乃免段氏總理之職，任李經羲爲國務總理。既而有復辟之亂，段氏於馬廠誓師，逐張勳，電請馮國璋入京代理總統。段祺瑞二次組織內閣，在天津設立國務院辦公處。時民國六年七月六日也。張勳逃入荷蘭使館，京師定武軍一律投誠。段祺瑞乃於十三日由津入京。黎黃坡卽於是日通電辭職。至二十一日，段祺瑞組閣已就緒。越半月，馮國璋始來京就職。此復辟以後段內閣成立之概略也。

馮與段本同爲北洋軍官。當時有段虎馮狗之稱。馮之不如段。蓋遠甚。此時馮雖以副座代理總統。而段以復辟之功。視馮蔑如也。馮國璋本貪婪之尤。一旦代行總統。尤有爲所欲爲之志。願而段輒制之。由是馮段之惡感與時俱深。不三月而段辭總理。以去俄而并辭陸軍總長職。代以王士珍。各督軍憤馮之去。段大會於天津。相率爲示威之行動。馮固畏。首畏尾者。至是蓋日坐鍼氈矣。段祺瑞既辭內閣總理。專辦參戰事務。迨曹錕等克復湖南。越七日。段祺瑞仍出任內閣。所謂雪枋頭之恥也。時在七年三月。是爲段氏第三次組閣。

段既復膺總揆。與馮握手在表面。視之似馮與段已臻融洽。而內容殊不然。段以北洋之領袖久專國政。馮以直系之代表躋位元首。德齊地醜。各不相能。左右喜功之士。又惟恐天下之不亂。則旁午交煽。各爲其主。而馮段之暗鬪。乃愈激愈烈。自其最著者言之。段則欲藉外人之援助。指日本以武力解決西南。馮則欲恃長江之形勝。以和平見好民黨。此二人政策之絕對相左者。然按諸事實。則皆釋氏所謂如夢幻泡影也。段祺瑞以長江形勢於南北之關係甚鉅。故於戰勝長沙之後。卽親自赴鄂。又由漢口赴南京。周歷長江衝要。以求貫徹其主張。既還京。卽借訂日本借款四千萬。元自此以後。日本之借款源源而來。或一千萬。或三千

萬種種苛約亦有加無已。此皆段內閣在馮任時代之政策也。至是皖直兩系之爭競幾有不可終日之勢。徐世昌者北洋之耆宿軍政兩界悉奉爲山斗。其平日又以固結北洋團體自命者也。馮段交惡直皖乖離暗潮所激將成極大之禍。水徐乃表示願犧牲一身以解此糾紛之局。遂被舉爲總統。馮國璋通電去職。七年雙十節徐世昌就任段祺瑞亦辭內閣總理。與馮同時下野。而錢內閣出現。段氏之內閣歷史至是乃告一段落。

十 任督辦參戰之略史

段氏之督辦參戰爲加入協約也。歐洲戰爭開始於民國三年。而段之督辦參戰乃在民國六年之十二月。在吾人固有遲暮之慨矣。然按諸事實殊耐人尋味也。歐戰之始袁氏正謀稱帝。欲利用此時機以遂其野心。故對於各國僅宣告局外中立而已。迨日以對德宣戰。告此時中國若與日人取一一致行動。或可倖免青島之難。而袁氏未遑也。至袁死。黎繼段。祺瑞當國。醞釀復醞釀始提出對德絕交案。黎黃陂反對其議。國會復不予贊成。段氏費多數之手續始通過絕交案。是爲第一步。第二步卽提出對德宣戰案。其時黎總統與議會均明示反對。最後之結果段氏免職。間接而成復辟之風潮。此匪特黎氏之所不料。亦段氏始願所

不及也。黃陂下野，河間繼任。段祺瑞當國，舊案重提，以貫徹其對德宣戰之政策。其時國會已解散，並無反對之團體。遂以明令發表，而形式上之手續始告竣。事然兄弟鬩牆，外禦其侮。斯時我國南北之紛爭未已，而段馮之齟齬方興。內訌交作，何暇對外？而段氏則一意主張用武，故對德主戰，對西南亦主戰。湘戰既啓，傅周潛逃。段氏對內之主戰政策，遭一大打擊。不安於位，遂辭總理之職。是六年十一月間，事越一月，段奉派督辦參戰事務。至七年三月一日，督辦參戰事務處始告成立。其濡滯之原因固甚複雜，質言之，則參戰督辦不過對外之名稱而已。今日之結果，其明徵也。故事務處成立以後，其最著之成績，則向日本國借得大多數之外債而已。其次則輸出中國之糧食，以供應與國之需求而已。又其次則遣其國人爲歐洲力役而已。若軍事上之參與與軍隊之出發，則無異紙上之談。兵蓋以中國實力言之，亦殊有圖窮七見之概也。參戰事務處實現以後，未幾段仍登臺組織內閣。斯時之合肥內則總揆庶政，外則綢繆戰事。六轡在手，駕馭從心。權力之弘大固一時無兩也。說者謂安福系之勢力亦養成於是。云長袖善舞，多財善賈，理有固然。明眼人，不難尋繹而得也。

十一 馮段之同時下野

段祺瑞馮國璋同爲袁系之要人而北洋軍閥之弁冕也顧二人之性行事業絕不相侔若以私德言則馮尤不如段遠甚段祺瑞始終握中央之政樞袁氏盜國段雖去位而對於北洋系之勢力未嘗稍殺馮則坐鎮南京挾長江之險要自樹藩籬以爲操縱進退之地此時段與馮遙遙相應反對稱帝之謀段則明示態度馮則鼠首兩端段氏以其地位不同亦姑原之此時段之與馮猶相與於無相與也迨段氏當國頗輕民黨黨人既不得志於段則思結馮以禦段故馮國璋得選爲副座復辟風潮既起段以討逆之功有不可一世之概馮雖代理總統段視之蔑如也河間之陰私既不若黃陂之純厚故其由寧入都之時卽攜十五師爲拱衛擁重兵以自固儼然有防段之表示故當馮氏攝事之初識者早料其與段必破裂矣既而果以各執成見齟齬橫生湘南之役馮嫉范國璋王汝賢電請停戰而段派之傅良佐夤夜潛逃南北之局勢一變段氏因是辭職以汪大燮兼代凡此皆馮之所以扼段而後日不和不戰之局實斯時有以養成之也馮段之惡感旣日深於是梁士詒王揖唐等包辦政黨擁段爲黨魁送徐世昌爲總統促馮婦下堂而去馮於此時乃並副總統之頭銜與官商兼營之江督同時根本打消惟尙以兵士爲營衛耳段氏本有成言願與馮同時下野

故東海就職之日段祺瑞即辭去總理時民國七年雙十節也。

十二 參戰之受勳

參戰之舉發起者爲段祺瑞故督辦一席非段莫屬論其結果則歐洲和會外交上種種失敗致惹起全國之風潮軒然大波九野沸騰國事至此殊無功勳之可言然試平心思之設當日無段氏對德之主張則歐戰告終我國對於世界之趨勢其困難又當如何稍明時勢者類能想像得之則段祺瑞之加入協約又不可謂無功也黃陂在位之時段提議對德絕交案雖予通過而宣戰一案卒以國會之爭持至復辟以後黎走馮繼段氏始得實行其外交之主張於八月十四日布告對德奧宣戰至十二月始派段爲督辦而各友邦公使時有不滿意之論調謂中國雖加入戰團義務殊未盡也至七年十一月以歐洲戰事已止宣告對德休戰旋即拆廢北京克林德碑空前絕後之大戰於此際忽呈和平之感念各國皆舉行慶典我國亦於十二月一日開慶賀協約國戰勝大會既而協約國開和會於巴黎我國特委陸徵祥顧維鈞王正廷施肇基魏組宸充參與和會全權委員而山東問題卒受日本之束縛致我國有失地喪權之辱顧陸二使鑒於國內之激昂拒絕簽約冀爲異日轉圜之

地。此。實。參。戰。史。上。一。大。紀。念。向。我。全。國。人。民。同。感。最。深。之。激。刺。者。不。知。何。日。能。解。決。此。問。題。耳。段。氏。之。參。戰。事。務。處。於。八。年。七。月。二。十。日。裁。撤。改。爲。邊。防。事。務。所。而。段。之。對。德。政。策。至。是。乃。完。全。結。束。九。月。十。二。日。對。奧。和。約。簽。字。翌。日。明。令。布。告。對。敵。終。止。恢。復。和。平。狀。態。論。功。行。賞。凡。屬。參。戰。處。辦。事。各。員。皆。以。次。給。予。勳。章。段。祺。瑞。則。以。參。戰。殊。功。授。一。等。勳。位。



段祺瑞



段祺瑞上編終

段祺瑞

中編 段氏之政績

一 段氏前清時代之政績

(1) 北洋之練兵

北洋練兵爲段祺瑞一身事業之始。基亦滿清一代軍事歷史上之重要關鍵也。總其大成者。雖爲項城袁氏。然袁氏特建議於當軸爲創辦之一人耳。至於軍旅之訓練。則段氏實司其樞機。蓋當時稱軍事學第一者。厥惟段氏。而其人之幹練沉毅。有守有爲。尤爲項城所信服。故新軍教練之事。一以委諸祺瑞。所由養成今日之北洋軍系。而舉足重輕。左右一世者。其源皆肇於此。吾人欲知遜清二百餘年軍旅之歷史及革命成功之內幕。則段氏之練兵。實有密切之關係。洎於今日。統系之競爭。軍閥黨之或離或合。尤與段氏息息相通。前後果倚伏相乘。請爲國人。就當時軍備之變遷。與因革之由來。約陳梗概。如左。以覘得失之源。可乎。

(2) 新建軍之緣起

新建軍者北洋新軍之徽號也。練兵之緣起蓋由於中日之役亦發憤自強之一端也。滿清入關之始國基甫定反側滋擾乃挾其戰勝之威神聖威武之譽分遣強兵勁旅擇要害之區四散佈置以爲駐防意在壓制漢族以武力經營新邦使人屈服於兵威之下也。乃承平日久士卒習於宴安桓桓虎士不再傳而已成軟化矣。然猶坐領餉糈從容帷幄以養其淡定之天人人有洗淨甲兵永保和平之思想逮洪楊之變而向之歲糜巨餉爲政府所參養者乃一敗塗地如鉛刀之不堪一試曾胡諸人乃募練湘軍以資削平內亂湘軍漸罷復有准軍以繼其後而洪氏卒由此覆亡愛親覺羅竟賴湘淮二軍之力盡克復其所失之土地蔚成中興之業此百年之中軍事之一大變遷也。繼淮軍而興者卽爲袁氏與段氏所練之新軍段祺瑞之訓練新軍視曩時之湘軍淮軍其器械行陳戰術操典固不可同年而語然軍人之資格及習慣則與從前不甚相遠也。且其練兵之地點卽爲當日淮軍駐紮之所卽小站是也。

(3) 小站軍區之關係

小站者。在天津與大沽之間。李鴻章爲直隸總督時。曾嚮淮軍。奮部駐紮於此。講屯田治溝。洫與水利。開阡陌。耕耨以時。步充國屯田之制。小站本接近河流。加以人治之。經劃土質。皆成膏腴。故小站營田生產之饒。富首屈一指。至今猶賴其利焉。中日之役。中國兵隊。旣爲日本所敗。日人遂據朝鮮。袁世凱自朝鮮歸於德宗。召見時。力言我國軍旅之窳敗。當今之世。欲與列強爭衡。非修明武備。棄舊謀新。無以安內攘外。德宗頗然之。授世凱溫處道。旋升江寧藩司。皆未之任。留近畿督練新軍。小站旣爲淮軍屯駐之地。此時雖已成陳迹。然壁壘猶存。畎畝無恙。因仍舊貫。莫善於此。遂劃爲練兵區域。而以北洋武備之將校。司督率教練之職。段祺瑞旣負時譽。學識亦試優。湛故甚。得當時之信仰。凡近畿諸軍。學皆由段氏所創辦。段亦能出其所學。以餉學者。教訓有方。成績甚著。故北洋之軍官。強半受教於段氏。爲其弟子。行有桃李。盡屬公門之概。至於今日。則又百般紅紫。競鬪芳菲矣。段氏勢力之發育。當以小站爲發祥之地。而袁世凱實玉成之也。袁氏旣資段祺瑞以成新建軍之功。當時新建陸軍段氏亦資項城而成軍界之偉人。斯時段之於袁。固如膠之投漆。魚之得水。而日後之齟齬。非惟項城所不料。亦合肥始願所不及也。

(4) 段氏練兵之效果

段祺瑞之練兵實爲清代武備之一大變遷。蓋袁氏初則治新軍於小站及其代李鴻章總督直隸。又繼續與段氏編練新軍。更於德州置兵工廠以備軍需。卒成北洋新軍七鎮。而以新建軍舊校分充。統將每歲率濫支三百餘萬之巨資以貢獻清廷之內用。其賄事李蓮英慶王奕劻等之需費皆取給於是津貼軍官之資亦取給於是當時新軍之待遇甚優。標營排隊諸長雖干犯軍紀而陽撤其任。陰仍給以津貼。且得委爲聽差員。如遇出缺仍得補還。其寬大如是。宜乎今日之武人戰敗而猶邀功。且索款增餉之無已時也。滿清雖暴斂橫征。歲以巨餉資新軍。顧殊未得其效用。余嘗謂段氏之治兵其結果不在滿清而在民國。何則。新軍既興。其時陸軍之中級下級軍官既受新教育之陶養。而一般武備學生又各富於革命思想。故辛亥之秋。武漢起義而四方軍旅以及統將無不聞雞起舞。望風景從。袁世凱乃得以北洋十師爲根基。利用段祺瑞以求己之所大欲。平心論之。革命成功之速。未始非新軍之功。蓋教育上所得之結果也。紀元以來。驕兵悍卒。跋扈飛揚。恃寵怙勢。舉動乖方。則亦平時有以養成之也。蓋段祺瑞雖長於軍事學識。然我國數千年來。人民不知當兵之義。所

有士卒皆由召募而來。非雞鳴狗盜之雄。卽市井無賴之侶。清光緒時。雖設立練兵處。廢棄舊械。效法歐西。然徒法不能以自行。厥後又深悟募兵之無用。由各省創辦徵兵之制。然當時國民教育尙未發達。爲軍官者又不能竭忠盡智爲遠大之謀。訓練之事。但資外鑠。按其實際。仍與募兵殊途而同歸。余故曰。論其資格習慣與舊時代不甚相遠也。然則段祺瑞練兵之成績。乃造成一北洋軍系而已。雖然。段氏者創造新軍之人也。其入民國也。又無日不操軍政。則此數年之中。兵事上之關繫與政潮之起伏。其近因雖甚複雜。下章備其發源實起於北洋練兵之時。且段氏之與民國。此後之關繫。正未有艾。欲知段之歷史者。於此發軔時代之情形。不可不知。故爲彥述如此。亦考鏡之一助也。

(5) 江北提督之重要

段氏練新軍。旣成。身爲統制者。有年。旋任爲江北提督。江北地廣民殷。又扼長江之衝要。而伏莽四潛。頗資綏靖之才。清之末葉。曾建議改設行省。與江南之境畫疆分沿。惟江北生產遠不逮江南之繁盛。而歲入歲出。殊有盈牘之感。若欲酌盈劑虛。取江南之羨餘以補江北之不足。則又區域所定各懷畛域之見。不肯以己沾之利益分潤他人。此關於權利之困難。

者一也。且其時江南設總督蘇州。又設巡撫省治之勢力範圍規模宏大。一旦劃江爲境。則土地分裂。勢力卽因以縮小。身任兼圻者。頗滋弗懌。此關於勢力之消長者。又一也。且設官分治。選才與能用人之際。尤多逐鹿之爭。以是種種分省之議。乃不能成爲事實。然江北提督之體制。則由是優崇。有加。居是官者。率兼兵部侍郎銜。儼然具巡撫之資格。非資望兼優者。不能希冀此位。段祺瑞之被簡蓋項城汲引之功。亦所以酬治兵之勳也。

(6) 段氏提督江北之由來

江北提督之重要。已如上所述。在段氏未受命之前。居是官者。初爲劉永慶。永慶之後。爲王士珍。之二人者。與祺瑞皆爲北洋武備之同學。且皆負時譽。王士珍則尤稱佼佼。士珍在武備學堂時。與段祺瑞爲莫逆交。每當考試。輒居優等。李鴻章甚器之。拔入營隊。旣而從袁世凱於小站。練兵之事。段氏與王共任之。而才識之縝密。志願之宏大。當時實超出祺瑞之上。與王英楷。劉永慶等同享盛名於北洋。袁氏爲直隸總督。段氏則爲統制。王士珍乃以統制出代。永慶爲江北提督。亦兼兵部侍郎銜。未幾因母喪去任。廷議以姜桂題繼。王士珍以他故。不果任。段氏斯時旣爲北洋統制。袁世凱欲伸張北洋勢力於長江。竭力謀以本系之人。

繼王聘卿之後而資格之完美者莫如段遂力薦以段氏繼任且王氏與段素厚亦與有力焉。段之資望乃自此益重矣。

(7) 段氏在江北時之清廉與風雅

江北既爲長江衝要之區又當南北交通之中心故提督一官實有專制方面之權惟時長江流域尙稱安謐一切舉動均在潛伏時代提督職務又較巡撫爲簡單故段氏居此未能有所表見然段之學識思想既與從前之頑固武人不同頗能滄除舊習一新武人之觀瞻且段承王士珍之後猶有後先輝映之致蓋士珍爲提督時頗能整飭官方砥礪廉隅凡屬官有所餽獻皆擯却不受一時風聲所播上下肅然有嶺表清風冰宇潔望之概段氏與王少同志長同官斯時復繼其官守平居亦廉靜自詡故風節之修潔不減於王氏頗負一時之譽段氏平生所學既概爲軍事上之新學術又復身歷外洋親見歐西之文明其所吸之空氣自與一般官僚不同且當時軍界新人物無不厭棄清廷之政治而含有革命思想段氏者實當時有心改革之軍官也其在江北時日瀏覽歐洲政治之歷史研究十九世紀以來列國革新之原因及政法之改進嘗與諸幕僚抵掌而談慨然有澄清天下之志提督署

地頗清曠而廨宇半承舊制規模雖具居處殊不適段氏於從政之暇則於官廨之左度地治新舍引水鑿池葺茅爲屋經營亭沼園林之勝以爲棲息燕游之地段氏此時雖處開府建牙之地而一生優游之樂此爲其最矣。

(8) 段氏與革命之影響

段氏之居江北也以虎符猗座之榮而有漱石枕流之雅可謂極宦游之樂矣其平居頗好奕暇輒一枰相對心迎手拒旁若無人革帶綈袍頗有叔子輕裘之度余友爲言祺瑞在江北時既有園亭之勝曾自製長聯懸諸壁間聯中大意率含有改革政治之希望在寄託景物除舊佈新蓋爲寫其平生抱負之作聯中有（好一派肅殺情形）之句聞者每資爲談柄殆園林落成時正當深秋或有所感而云然耳惟時革命黨人多聚於長江流域故南方之空氣與北方迥異段氏本主張革新之人自居江北又久吸南方之空氣所轄軍隊其中下級軍官半受段氏之教育或爲陸軍士官生故自軍官以迄徵兵之下士類無不富於革命思想聲氣相求已匪朝夕迨武昌起義而清廷授段氏爲軍統欲其剷除革黨宜乎段之不與也自江北提督以後段氏遂入國之政潮而爲年來要之人物更於下章分別述之。

(9) 辛亥光復時代之段氏

女媧鍊石補天處石破天驚逗秋雨此非辛亥之秋革命軍由武昌起義之狀況乎余嘗謂革命之成功其最初發難時間接促成者爲馮國璋直接促成者爲段祺瑞蓋馮與段同拜統軍之命而漢口一役馮軍焚掠殺戮慘無人道不特人民銜之切骨卽外人之目擊者亦同深憤嫉怒清軍之殘忍相率左袒民軍以成停戰議和之局及後清廷之遜位南北之統一共和之告成臨時政府之完全成立則段祺瑞實爲中流之砥柱故辛亥光復之歷史與段氏一身之歷史同屬一種新紀元而欲知段氏之歷史者尤不可不知光復時之歷史蓋英雄之造時勢與時勢之造英雄每相須而成而事變之來每由局外而牽入局中也且段祺瑞爲清廷之將帥與革命軍立於絕端反對之地位而革命之功卒藉段氏以告成功尤不得謂之局外矣編者故爲略述武漢舉戰之緣起卽謂之述段氏歷史之緣起可也閱者幸勿譏其辭費焉

滿清之季主少國危僉壬弄政監國之載灃與秉政之奕劻皆貪庸驕蹇之尤政治之蹙敗未有甚於此時者也民之憔悴於虐政亦未有甚於此時者也又引頭會箕劍之盛宣懷假

鐵路國有之名。因緣爲奸。以蠹民而病國。國人交憤。於是革命之機緘。以啓發難者。黨人促成者。實軍人也。蓋民黨醞釀之際。早爲傳播革命種子於軍界。如安徽礮兵之變。熊成基實主之。是爲軍界贊同革命之始。而段祺瑞之贊同共和。則謂之集大成可也。段氏曾親歷歐洲。習見西洋之文明。及其國政之優點。思想甚新。其所親率各部自將弁。以至下士。又多富於革命思想者。故雖受清廷軍統之命。而與張勳馮國璋之志趣絕不相侔。其贊成共和。殆出於本心。或謂其受袁氏意指者。雖事出有因。然不得謂其純然被動也。

(10) 革命開始之概略

清政不綱。人心思亂。釀成武昌之起義。段祺瑞與革命之關係。既如上章所述。則欲覘段氏之真相者。不得不先言革命之經過情形。作後果前因之考證。當亦閱者所樂聞也。辛亥八月十九日。即陽歷十月十日民軍在武昌起義發難之初。實由地方官吏搜捕黨人。非常嚴厲。故挺而走險。其義近於物理學之反動力。若後來之大功告成。則原因殊複雜也。先是鄂中盛傳革黨約期起事之耗。其時瑞激總督湖廣。激爲滿人聞耗。卽教偵黨人機關。四出搜捕。八月十九日。武昌城中捕獲黨人彭楚藩。劉汝夔。楊宏勝等三十餘人。並旗幟印信炸藥等。又得

黨人名冊冊中列名多軍人。皆惴恐不自安。於是迫不及待。遂於是夜舉火爲號。左腕皆纏白布以爲識。工程輜重兩營亦自城外斬關而入。會攻督署。於是礮隊馬隊接踵而至。電繞蛇擊。霧合星羅。總督瑞澂及所屬官吏皆倉皇謀遁。乘夜逃入兵輪。惟時爲滿清守土之官。既已各鳥獸散。民軍遂完全占領武昌。分兵保衛地方。及外人教堂。推黎元洪爲都督。駐諮議局。黎乃下令安民。慷慨誓師以推翻清室。光復漢族。八月二十四日。陸續遣師渡江。佔領漢陽。兵工廠鐵工廠並照會漢口租界各領事。請其守局外中立。以七種條件相約。其重要主義不外各國從前一切權利皆繼續承認有效。並約其勿助清廷以爲交換條件。

民軍既佔武漢。聲勢大振。清海軍提督薩鎮冰會合河南軍隊水陸兼進來攻。民軍二十八日。民軍猛擊清師於劉家廟。清師戰不利。敗走沈家磯。而薩鎮冰之軍艦初猶鳴礮助戰。既而爲守武昌礮臺之民軍轟擊。薩艦不能支而遁。清軍於是大敗。沿鐵道而退。直至灑口。京師震動。清廷乃諭海陸兩部各迅出兵隊作戰。由薩鎮冰帥師會攻。又起袁世凱於彰德。令爲湖廣總督。與蔭薩協同各路援軍。規復武漢。其倉皇失措之態令人忍俊不禁。蔭昌奉命南下。道出彰德。問袁世凱於私邸。袁氏誠之曰。此次武漢之變。吾度不逾一月。風潮將

遍全國子其愼之俄而各省果響應紛紛獨立蔭昌憶世凱之言頗有戒心僅碌碌於信陽孝感之間虛作戰備頓兵不進重以將帥不習軍心不固遷延中途以媿旦夕而民軍遂有一日千里之勢矣當是時湖南山西陝西雲南江浙各省皆宣告獨立清室已成強弩之末惟日望袁世凱之出而圖君而不知黃雀在後已則爲螳螂也

(11) 任軍統後之段氏

蔭昌奉命南下逗遛鄂豫之交不敢進取其部下將士皆北洋舊校大半皆受知袁氏昌自度不能勝任密疏請起用袁世凱清廷亦稔其怯懦遂命袁督師而召蔭還京袁氏未到以前卽以馮國璋帥第一軍段祺瑞帥第二軍皆歸袁節制廷旨日促作戰各軍聞宮保來指袁凱則踴躍用命於是段祺瑞之第二軍暫駐備策應馮國璋則帥第一軍南下與民軍戰於灑口之南民軍初勢甚猛嗣以薩鎮冰之兵艦用巨礮助戰民軍死傷過多翌日乃敗退馮軍直入漢口街市大肆焚掠繁盛之區盡付諸一炬漢人至今猶詈馮之殘忍也段祺瑞雖與馮同受清廷之命而始終未與民軍激戰當時論者謂若以段易馮則漢口之蹂躪人民之損失或可邀免則段與馮之優劣於此可見矣漢口既遭劫掠之慘民心愈憤各國駐漢

之領事亦斥清軍之橫暴而深許民軍之有紀律。其後清軍陷漢陽。據龜山。攻武昌。漢之人民渡江而南者。往往舟至中流。輒爲清軍所擊斃。男婦老弱斷肢絕體者。隨波逐流。哀號之聲聞者酸鼻。外人目擊情形。憫地方之糜爛。至十月初十日。駐漢英領事出爲介紹。兩方商議停戰。是時袁世凱已爲內閣總理。大臣發縱指示。規畫大計。漢口既得一面。順外人之趨向。陰飭馮軍停戰。一面授意段祺瑞節制所部。待時而動。一面奏請清廷雙方議和。解決時局。段氏本無意與民軍鏖戰。故決鬪之役。一讓諸馮。既受袁氏之意。指態度益鎮靜。作壁上觀。以覘議和之趨勢。部下有所建議。段輒曰。待官保命。至十月十五日。清內閣電開條件。至漢口。其大旨有二。一南北兩方停戰。十五日二派唐紹儀爲總理。大臣即袁自謂之代表。與黎都督或其代表人討論大局。南方既得此電。遂決議止戰。以漢口爲議和地點。派伍廷芳爲黎都督代表。雙方議和。旋以伍氏居留上海辦理外交不便。來漢。遂移至上。海會議。而和議於是開始矣。

段祺瑞既密受項城之意。盤馬彎弓。引而不發。作沉機觀變之圖。斯時一若無事實之可言。然和議之頓挫。大局之變遷。國勢之安危。與共和之成敗。皆與段氏生直接之關係。閱者欲

知民國之由來及段氏贊助之成績則於此時議和之情狀不得不略述梗概以爲印證之資亦知人論世之一助也和議開始之際爲十月二十八日下午三時唐伍兩代表換驗文憑開第一次會議伍代表提議停戰期內凡江蘇安徽山東山西奉天陝西及湖北等均應一律停戰如有擅自行動者處以嚴罰唐代表允電告袁氏越兩日袁內閣電至謂已飭各路軍隊遵守信約一律停止進攻斯電也雖爲伍廷芳所提議實獲袁氏之心蓋袁氏此時之政策不在戰而在和所以議和者不爲清廷而爲己身故此電既傳而袁氏計畫之第一步已告克捷段祺瑞者項城所引爲心腹者也至是旣奉明令停止進攻則絕對承認不復與民軍作戰矣

(12) 南北議和時代之段氏

南方議和之條件其大綱有四一推倒滿清政府二主張共和政體三禮遇舊皇室四以人道主義待滿人故十一月初一日開第二次會議伍代表所提議者其唯一條件卽（必須清內閣承認共和方有開議之餘地）二語唐應之曰然今日欲和平解決非共和不可然余雖爲全權代表而承認共和一層事關國體之根本問題必須電達袁內閣得覆再商旣

而袁以大局不堪糜爛。不如召集國會解決國體。入告清廷得旨報可。而各省代表決議。先舉臨時總統以促共和之成立。而北廷之贊成與否。則視爲第二步。於是孫文適由英倫回國。被舉爲臨時大總統。受職於南京。改辛亥十一月十三日爲中華民國元年。政局一大變。而唐紹儀於是辭職。而國會解決國體之議。於是打消。和議中輟。而戰端以啓。大局岌岌。國民皆惴惴焉。懼戰禍之將及。地方之蹂躪。此時若無段祺瑞之奮臂一呼。不特共和破壞。而國勢益不堪問。聞矣。請於下章詳述之。

(13) 段氏贊成共和之聯電

以數千年專制之國。一躍而爲民主共和。蟬蛻龍變。談何容易。而我國共和之告成。則收效尤速於他國。此固當時革命家始願所不及。而締造之初。約可分爲三時期。一發源於武昌之起義。二醞釀於滬上之和議。三促成於段氏之聯電。而第二步與第三步尤有相須而成之勢。故欲知段氏之促成共和。則當和議孕育之際。其實與趨勢不可不連類。陳之夫當伍唐兩代表開議之初。原各持有唯一之主義。伍氏唯一之旨。則在建設共和。唐氏唯一之旨。則在第一任總統必選袁氏。爲推翻清室。承認民主之交換條件。一則明揭標幟。一則暗

示權利南方則恐共和之不能成立故先舉總統於南京急急於臨時政府之組織以求主義之實現袁氏則怒南方之不守密約即選袁爲總統也而專電責問謂國體問題當由國民會議解決今國會未集南京忽組織政府是何用意南方答以選舉臨時總統爲民國內部之組織亦政治上之通例於是往返電詰各逞詞鋒而和議幾決裂此袁氏與南方當日互相爭論之大概也

當此往復討論之際北方之暗潮忽生蓋其時清廷中如載濤載洵載澤善耆各親貴與良弼鐵良等對於共和均極端反對尤以良弼爲中堅人物此數人不特仇敵南方且甚猜忌袁氏夫漢陽之戰鬪雙方之停戰以及分派代表之議和此中消息實出袁世凱之計畫明眼人自能知之至於國體問題發生唐紹儀據以入告袁世凱正爲滿人所猜忌之時不能有所表決和議停頓清廷則分遣軍隊攻山西奪娘子關入太原窺皖北倪嗣沖復率其所部馳騁於穎毫之間一面集兵河南一面徵師甘肅將遙合兩地軍隊爲夾攻陝西之計烽煙四起和會之解決無望袁內閣亦陷於擱淺之地位蓋皆宗社黨魁良弼等爲之也民黨彭家珍於是計轟擊良弼宗社黨至是人人自危始不敢倡言反對政體問題乃得一

轉機。清廷則屢開御前會議。共決大計。然各親貴。王公猶冀保全。君體以爲自固。身家之計。其不識大勢如此。故每當開會。輒紛呶不休。袁氏於途次。幾爲炸彈所擊。南方則孫文雖爲臨時總統。設立臨時政府於南京。改易正朔。與民更始。祇以滿清帝號猶保殘喘於北京。未能告完全統一之功。若復遷延時日。則內政外交將愈不堪設想。此時乃忽得一有力者爲之斡旋。而清帝於是退位。而民國於是統一。而共和於是告成。其人爲誰。卽清之統將段祺瑞是已。

段祺瑞者。本主張革新之人也。其任江北提督時。每以改進政治之意。從容汎論於賓朋燕侍之時。當此衆難交萃之秋。袁氏有反側之嫌。大局有飄飄之患。段氏於是慨國體之久懸。憤貴族之牽掣。乃於紀元之一月二十六日。聯合統兵大員四十二人。以贊成共和之電。忠告清廷。電中大意。謂人民心理。傾向共和。應請早日退位。宣布共和。以定大局。而免生靈塗炭云云。並附以最後之警告曰。如各親貴尙懷疑懼。或以共和爲不利。祺瑞當卽帶全隊入京。與各親貴剖陳利害等語。於是各貴族王公皆倉皇失措。不敢更執私見。清隆裕太后遂以決大計之權。授之內閣。袁氏袁乃逕電伍廷芳。謂今日始有權討論優待皇室條件。共議

清室退讓以後之事。雙方遂議定清帝遜位後優待之條件。共八款。一清帝遜位後不廢尊號。待以外國君主之禮。二皇室優待費歲四百萬。由民國國給付。三清帝遜位後暫居宮禁。待衛照常留用。四清室宗廟陵寢得永遠奉祀。五德宗崇陵工程及奉安典禮悉如舊制。其實用經費均由民國支出。六宮內各執事人員照常留用。惟以後不得再招閩人。七清室私產由民國特別保護。八原有禁衛軍。歸民國陸軍部編制。餉額均仍舊。此項條件議決後。以正式公文通告。並照會駐京各外使。由是清隆裕太后偕清宣統即日退位。而民國得以完全成立。段氏其功首歟。

(14) 清帝遜位之告成

自段祺瑞聯電贊助共和。促滿清之覺悟而優待條件。遂經臨時政府之決議。俾早成和平統一之局。二月十二日臨時參議院議決。如三日內不遵約退位。即收回優待條件。而是日下午。清帝即下遜位之詔。其詞曰：「朕欽奉隆裕皇太后懿旨。前因民軍起事。各省響應。九夏沸騰。生靈塗炭。特命袁世凱遴員與民軍討論大局。議開國會。公決政體。兩月以來。尙無確當辦法。南北睽隔。彼此相持。商輟於途。土露於野。以國體一日不決。故民生一日不安。今

全國人民心理多傾向共和。南中各省既倡議於前，北方諸將亦主張於後，人心所向，天命可知。予亦何忍因一姓之尊榮，拂萬民之好惡，是用外觀大勢，內審輿情，特率皇帝將統治權公諸全國，定爲共和立憲政體，近慰海內鑒亂望治之心，遠協古聖天下爲公之義。袁世凱前經資政院選舉爲總理大臣，茲當新舊代謝之際，宜有南北統一之方，卽由袁世凱以全權組織臨時政府，與民軍協商統一辦法。總期人民安堵，海內乂安，仍合漢滿蒙回藏五族完全領土爲一大中華民國，予與皇帝得以退處寬間，優游歲月，長受國民之優禮。親見邦治之告成，豈不懿歟！

自此詔既下，是日北京遍懸五色國旗，上下歡騰，共慶南北之統一。卽規定以此日爲南北統一之紀念日。而中華民國於是完全告成。細譯詔中之意，所謂（兩月以來尙無確當辦法）卽指各親貴之梗議也。所謂（全國人民心理傾向共和）則直用段祺瑞電文之語矣。其曰（北方諸將亦主張於後）卽指段氏聯合諸將，敦促遜位而言。蓋當衆難塞胸之際，而幡然變更，遂定退位之計者，非祺瑞一電之力，曷克臻此。則段氏詢民國之功，臣也。至其電文中所謂卽率全隊入京，與各親貴剖陳利害，直與鬻拳之兵諫先後相映，清室轉機。

之速詎非此二語促成之歟。或曰段與袁有密切之關係。段氏之電袁氏實指使之。其說當時或有信之者。然趨向共和。段氏並非出於被動。彼與項城雖甚密切。而袁氏竊號之際。段則極端反對。蓋可想見其爲人當日之贊成共和。不可謂純粹承袁之意旨也。

二 段氏民國以來之政績

(1) 共和紀元時代之段氏

段祺瑞久仕清廷。而光復之初。又身爲清室統將。願其奉命南下也。未嘗以一矢加諸民軍。及國體膠擾之秋。復聯合諸將。通電促成遜讓之局。則段氏之對於故君。固不屑爲一姓之忠臣。而對於民國。實有翊贊之殊績。然當臨時政府成立之時。孫文爲第一次總統。而臨時內閣之組織。又純係南方人物。與段祺瑞等之北洋系。絕對不生關繫也。段氏之於民國。長陸軍部最久。然民國草創之初。南北未一之際。其陸軍總長一職。並非與段氏同臭味者。迨袁世凱於南北統一之後。被選爲大總統。唐紹儀組織內閣。而段氏始爲第一任之陸軍總長。自茲以往。民國歷史之性質。遂一變其旨趣。蓋段氏雖爲贊成共和之人。而於共和紀元之日。段氏尙爲清廷將帥。與徐紹楨等情形不同。而聯電忠告清室之舉。謂之直接促成南

北之統一無寧謂之間接促成袁氏之總統也。

共和初元時代臨時總統爲孫文臨時政府之地點爲南京正月一日孫文就總統之職正月三日孫總統蒞代表會其時尚無國會以代表會代行立法提議中央行政之各部權限議既決復提出國務員九人求代表會之同意以組織臨時國務院代表會乃開正式大會投票表決而臨時國務員之姓名遂發表如下 陸軍總長黃興 海軍總長黃鍾英 外交總長王寵惠

司法總長伍廷芳 財政總長陳錦濤 內務總長程德全 教育總長蔡元培 交通總

長湯壽潛 實業總長張謇

觀於右列之組織則最初紀元之時代段氏固絕不相關也記者欲述民國以來段氏之事蹟不得不爲此開宗明義之表示而段氏此時之位置及其一身之關係可以了然矣質言之則段祺瑞者純粹的袁系人物也

(2) 孫袁交替時代之段氏

清帝既退位南北統一孫文辭職推舉袁世凱爲總統孫之所以讓袁者其故有二一唐紹儀南下議和之初卽銜有袁之密命約第一任總統必選袁氏二清帝退位之詔復有卽由

袁世凱組織臨時政府之言明明以袁爲交換條件且孫氏受職之初曾有（俟專制政府既倒文當辭臨時大總統之職）之宣誓至是乃履行斯約袁氏又屢電孫文盛稱共和政治之優美表示其贊成之意孫氏認袁爲誠意又自以才識智力弗逮袁氏遂提出辭職書舉世凱自代略謂當本總統受任時曾有宣誓今清帝退位南北統一本總統當踐誓言辭職引退又謂民國締造首恃總統之得人今者統一之功袁君之力居多其發表政見又絕對贊成共和舉爲公僕必能盡忠民國云云蓋其時孫總統自以久歷海外於中國情勢未能熟諳且信袁爲富於政治經驗必能經理民國措置得宜也

孫文既辭職臨時參議院遂開選舉大會十七省代表以十七票之全數一致選袁爲臨時總統要求其蒞南京就職袁以籌北京治安之佈置爲辭遲遲不行俄而北京忽兵變東安門外前門外一帶火光燭天繁盛商市焚掠一空翌日而保定兵變明日天津又兵變其糜爛之狀況慘不忍觀作者其時適游京津目擊情狀至今思之猶惴惴焉世凱遂藉此不復南下臨時參議院以急盼統一政府之成立允袁世凱在北京就職而要其以國務員提交南京同意蓋知袁必以北洋系改組也

袁世凱既受任北京南京政府遂同日取銷南京之臨時國務員亦一律解職政府當重行組織袁世凱依臨時約法之規定任命國務總理改組新內閣其時以和議之告成南北之統一唐紹儀實爲功首贊助共和磋商條件周旋於民軍之間者亦惟唐氏故唐在當日頗得南北之款洽而其人則純粹袁系也袁世凱熟審當時之情勢提出唐紹儀爲國務總理臨時參議院投票表決之結果竟多數通過唐氏遂爲統一政府第一任總理總理既得卽當提出國務員著手組閣三月十九日唐氏列席參議院提出各部總長名單請求同意其姓名如下 外交總長陸徵祥 內務趙秉鈞 財政熊希齡 陸軍段祺瑞 海軍劉冠雄 司法王寵惠 教育蔡元培 農林宋教仁 工商陳其美 交通梁如浩

參議院投票表決除梁如浩未予通過由唐總理兼攝外餘均同意唐內閣遂完全成立段祺瑞第一次入閣而爲陸軍總長此爲段氏置身中央政府之開始時期陸軍一部其勢力實遠超諸閣員之上也

(3) 陸軍總長之初任

唐內閣之成立也實爲袁系人物與同盟會人物雙方瓜分之內閣故閣員十一人除陸徵

祥爲超然。派無所系。屬外其教育。司法。農林。工商。四部總長。則以同盟會之蔡。王。宋。陳。等領之。顧雖同爲總長。而此四部者。實屬閒散。至今亦未見重於中央。當時僅備人數。以虛糜南方而已。至於內務。陸軍。最重要之部。則爲袁系要人趙秉鈞。段祺瑞所握。趙氏始終忠於項城。至以身殉之。而後已。固爲袁唯一之忠臣。段祺瑞則雖有隙末之嫌。然在袁政府初成立時。則段氏實占重要之地位。請言其故。蓋有重要之點二。

其一爲段祺瑞氏與南北軍險之關係。當臨時政府初立時。黃興爲陸軍總長。然殊有名無實。蓋黃興雖屬民軍之要人。然多數之軍人及各省代表。皆信仰黎元洪。其爲黃所統屬者。不過少數之黨人。故勢力範圍殊爲狹隘。段氏之長陸軍。則與黃時異勢殊也。段本北洋軍系之領袖。北方之將帥士卒。平生既各有淵源。卽對於南方軍人。自發聯電。促清帝退位。後亦頗得南方之信仰。此時合新舊交權之局。總攝戎機。自具左宜右有之致也。其二爲段氏與袁總統之關係。所謂北洋系者。袁世凱本爲該系之首領。具雷霆萬鈞之勢力者也。其次有統攝軍閥之資格。而平素學識品行。能饜多數之望者。卽爲段氏。袁既身爲總統。軍旅之事勢難專顧。計平生所深信。且能率服羣倫者。無過於段。故以段爲陸軍總長。不特袁氏個

人倚畀甚殷。卽南方諸人亦認爲適當之人物也。具此二因。故唐內閣雖不久卽倒。同盟會閣員聯袂辭職。而段祺瑞之長陸軍。則如故。段氏於民國初元時代。固屬鐵中錚錚者也。

(4) 內閣紛更時代之段氏

內閣爲國政之總樞。全國之理亂繫焉。袁世凱以帝國之舊臣。作民國之元首。其時閣員之中。所恃爲腹心者。段祺瑞趙秉鈞而已。故以陸軍界段而干城之膺。爪牙之寄。畢備於是。段氏本長於治軍。旣得總司戎機。對於軍旅之整理。本部勢力之擴張。經營擘畫。不遺餘力。故當時言財貨者必推交通。而占勢要者則首推陸軍。非段氏之資望。魄力不足語此也。惟袁世凱氏貌託共和。而心存專制。內閣總理唐少川雖爲袁系之人物。然其組閣以後。頗主張內閣制。故與袁漸不相能。夫歐洲共和國力行內閣制者。莫如法蘭西。法本君主專制之國。其歷史上之習慣。類似我國。此時感於南北統一之必要。一般政治家羣謂宜如法國之集權政府。而採取內閣制。唐少川旣入同盟會。且身爲總理。對於國家大政之總樞。亦欲仍襲各國之通例。而集中於閣議。故特設國務會議。以尊重其意義。然每開會議。趙秉鈞必不到。總統府則以事事須經國務院之許可。有時輒遭駁還。深滋弗懌。其時段祺瑞專司軍事。旣

無暇爲府院之調人而袁氏諸親附則時時斥唐內閣之專擅一日袁與唐抗議某事乘間從容語唐曰少川吾老矣子其爲總統唐聞而深自志忤知事之不可爲遂假王芝祥督直問題不辭而去於是教育總長蔡元培司法總長王寵惠農林總長宋教仁署工商總長王正廷同時辭職同盟會內閣遂倒惟段祺瑞之陸軍劉冠雄之海軍及內外兩部未連帶職辭唐氏既去繼唐內閣而起者爲陸內閣蓋袁世凱決不欲令同盟會再組內閣段祺瑞則與同盟會人雖無意見而亦以該會黨人組閣爲不適於是希袁氏意指者倡超然內閣之議而陸徵祥氏則既無黨派之標幟其人又溫順可用袁氏頗喜其易與遂提出陸總理於參院參議院初雖勉強贊同旋以陸徵祥宣布政見時忽發出開菜單做生日種種瑣鄙之論調遂失參議院之信用而提起彈劾案袁總統不許至七月間又提出閣員財政周自齊司法許世英教育范源濂農林陳振先工商蔣作賓交通朱啓鈴均通過陸內閣得以成立然未幾卽稱病不出至九月二十四日乃任命趙秉鈞爲總理趙內閣時代稱爲虛名之政黨內閣蓋趙氏本以同盟會人得入國民黨籍其餘閣員亦皆掛名國民黨故滑稽者加以虛名之徽號自唐至趙內閣凡三變而段祺瑞之陸軍迄未隨內閣爲轉移蓋當時陸軍人

材有非段莫屬之勢也。

(5) 段袁之關係

段祺瑞與袁氏之關係始於北洋練兵之時。有清之季，袁既專制，方面握重柄，對於段氏左提右挈，頗深知遇之感。而當國體問題紛爭之時，南北之戰釁已開，袁氏之謀畫多阻，一二親貴復欲陷袁於危地，衆難塞胸，進退維谷。此時忽仗段氏之一電，摧枯拉朽，化荆棘爲康衢，段誠袁氏之功首而私恩公誼同深感紐者也。故袁氏當國首先以陸軍昇段氏，可以酬殊勳，寄股肱也。段氏與項城以軍旅之事爲終身之關繫，可參觀以下所述各事而民國成立之初，則倚畀獨摯，內閣之紛更政權之暗攘，既出於袁氏之野心，至趙秉鈞出爲總理而政潮稍靖，則以趙氏本附項城而惟命是從者也。段祺瑞當內閣膠擾之秋，其陸軍總長一席如泰山如磐石，半年之間閣員三易而段氏則無論爲袁系爲民黨，從無有動搖之者。故袁氏方面則趙秉鈞治內務，段祺瑞治軍旅，文武兼資，誠有左輔右弼之雅。在國民黨方面則段氏之軍事學識及其資望亦頗多信仰。對於段氏自無嫌隙之發生，故其地位之鞏固非他人所能比擬也。自趙秉鈞稱疾不出，段祺瑞遂以陸軍總長代理國務總理。時民國二年五月一

日也。趙本袁之腹心。至是何以欲辭去國務總理乎。曰宋案爲之也。宋教仁者國民黨之重要人物。民國締造頗著勳績。得爲第一任農林總長。唐氏既去。宋亦下野。宋蓋主張內閣制。最力者與袁氏意指適相反。又以言論鼓吹在野各黨人。謂袁爲正式總統者。必須組織健全之政黨。內閣以監督之。於是大觸袁氏之忌。二年三月二十日。宋於滬寧車站突遭暗殺。全國震悼。嚴緝凶手。得共同謀殺之應夔丞。復於應犯家得往來函電一束。內有趙秉鈞與應氏之密碼電本。而趙之秘書洪述祖與應通信稿件尤多。江蘇都督程德全遂將案情及種種證據通電全國。上海檢察廳復票傳趙秉鈞到案。就鞠羣情。洵洵朝野。闐然。趙秉鈞入謝袁氏。袁慰之曰。君功在除奸。可毋顧慮。若輩脫必欲決裂者。吾將借此殲之矣。趙於是稱病不出。段祺瑞與趙氏同爲袁所倚重之人。至是准趙請假。以段祺瑞暫代總理。段氏年來恆以總理兼陸軍者實始於此。

(6) 國務總理之代理

段氏之代理內閣也。實出於袁氏之信任。惟時袁段之感情固甚融洽也。乃段祺瑞代揆之初。國會卽發生一極大之風潮。段氏適當其衝。陷於極困難之地位。卽大借款風潮是也。蓋

自臨時政府成立以來。非借款無以維持生活。故有所謂小借款。大借款者。小借款所以救一時之急。大借款則所謂謀財政上根本之整理者。其名義固甚正當也。國人本無異議。自參議院開始以來。凡政府提出借款案。無不悉予贊成。亦以財用爲當務之急耳。政府之於借款。在立約簽字之先。必將交涉情形報告於國會。卽如倍克利公司借款。雖經政府先行簽字。仍將全案交國會咨請正式通過。故國會對於借款。從無反對之發生。自元年九月十六日。財政總長周學熙曾開列借款辦法及要求條件報告於參議院。院中以該項條件。不過爲政府之一種報告。並非爲政府之提案。無會議之必要。卽以此意。在當時。鄭重聲明。至二年四月二十六日。政府與五國財團締結善後借款合同。不先交國會議決。遽行簽字。簽字後。復咨請國會查照備案。參議院則以此項合同未經交院通過。遽行簽字。認政府爲違法。其時趙已請假。國會遂請段代總理出席質問。段氏原任陸軍。於外交財政固不與聞。於簽字。命令尤無關係。然處代揆之位。又不能不出席答復。當議員質問之際。段祺瑞亦承認爲政府手續未完。換言之。卽承認政府違法也。趙秉鈞以忠於袁氏。故不恤違反約法。毅然簽約。段祺瑞亦屬袁系。而此時對於國會。猶主持公義。不肯曲庇政府。蓋賢於趙氏矣。然段

雖認爲手續未完而事實上已無可挽救各省長官復紛紛來電爲政府辨護此款並段氏之所謂手續者亦強詞以爲之文飾最後則趙秉鈞周學熙正式免職而此案遂作無形之結束。

段祺瑞之代首揆可謂適當多事之衝大借款之違法簽字段氏本非主動之人國會之反對者自不能集中於段迨趙內閣既倒袁氏復利用進步黨此時該黨竭力擁護袁氏以制反抗者之舉動指國參衆兩院之黨人雖屈於袁氏之強制無可如何然卒以此引起二次之革命江西都督李烈鈞安徽都督柏文蔚廣東都督胡漢民於善後大借款反對尤烈袁氏怒則罷三都督復遣李純馳兵九江以示威七月十二日李烈鈞遂據湖口起兵馳檄遠近歷數袁氏之罪於是浙閩湘粵皖先後響應黃興入南京逐程德全而代之袁世凱則命段芝貴帥第一軍馮國璋帥第二軍南下作戰北京戒嚴段祺瑞以陸軍總長代理內閣此時正當戎馬倥傯之際陸軍總司戎機事繁任重甚不願以代揆之虛榮負雙方之艱鉅語於袁氏請速任總理已則仍任陸軍至七月杪幾經醞釀而態希齡內閣出現段氏始回陸軍本任熊氏組閣於舊閣員頗有更動然段未與也。

(7) 人才內閣時代之段氏

自革命再起。東南鼎沸。段祺瑞當軍書。旁午之秋。兼總樞軍政之職。亦可謂遺大投艱之會矣。其時趙秉鈞避宋案之風潮。堅臥稱疾。不出任事。段氏兼代總理。至兩月之久。則以繼任者之難。其人也。袁世凱以段氏雖親密。然處此多事之時。陸軍重任。非段莫屬。勢難久兼。總揆而與國民黨有關係者。又決不欲其組閣。斯時袁之所最引重者。爲徐世昌。而國民黨則多數反對。徐氏提出國會必致落選。則姑提熊希齡爲徐作陪襯。熊隸進步黨。勢力與國民黨相埒。國民黨人則因己黨無人可以組閣。初欲要結段祺瑞。段氏既無總理之熱心。而黨人之一部分。以段爲陸軍首領。使之真除內閣。恐敗武人干政之機。則段內閣此時亦決難實現。適袁總統提進步系之熊秉三。國民黨願讓進步黨出而組閣。不復顯示反對。故熊氏一經提出。卽予多數。通過。熊既得任總理。對於閣員。卽擬改組深悉。當時各總長。陸軍之段祺瑞。絕對不能變更。海軍亦無更動之必要。乃專從事於其他七部之支配。經幾度之波折。而得成立。其人物如下。外交孫寶琦。內務朱啓鈴。財政熊自兼。教育汪大燮。司法梁啟超。農林張謇。交通周自齊。海陸軍仍舊。此熊內閣之組織也。熊氏就職之始。頗有一往無前之概。

事事均負責任內而閣員之得人外而國會之翊助凡所措施力循軌道故頗愜一時之望稱之爲第一流人才內閣乃未幾忽下撤消國會議員之命熊氏實副署之其後袁氏種種非憲之命皆熊署名而熊內閣之名乃掃地既而新約法告成內閣制根本打消熊遂辭職各部總長連帶去職惟張謇獨留而海軍之劉陸軍之段則從未隨總理爲轉移者斯時乃寔成習慣矣。

(8) 正式政府成立時代之段氏

段祺瑞當臨時政府之時專任陸軍其間代理內閣者閱兩月之久段氏於此兩年中皆服從於袁政府之下其經過之情形第如以上所述而已然臨時政府建設以來荏苒復荏苒已歷二載自革命再起袁世凱以兵力平贛寧之變兩月之間一律恢復袁氏於此蓋視天下事不足爲矣此時袁之親倖卽有攀龍附鳳之心而低徊醞釀直至兩年之後者蓋正式大總統之被選有以沮之也。

民國成立以後臨時約法以制憲法之權畀諸國會當先制定憲法然後由憲法產出正式總統此爲正當之手續然二次革命既平以後憲法之告成尙遙遙無期於是發生選舉總

統後定憲法之議。予嘗詢參議院長王家襄曰：正式總統是否必爲項城王？曰：此時寧亂初平，袁之左右皆有擁戴項城爲帝之意，不如迅舉爲正式總統，以免君權之復活。其時先舉總統之議，方始萌芽，而兩院之人已有此種主張，知將必成事實也。既而果先制定大總統選舉法，以爲選舉總統之張本。至十月六日，依法投票，袁世凱得票雖多，然以不滿法定四分三之數，不能當選。至第三次投票，猶選出得票較多之袁世凱、黎元洪二人，行決選法。袁氏始以得票過半當選，而爲中華民國第一任正式總統。十月十日，袁世凱就職於清宮之太和殿，而民國正式政府至是始告成立。越五日，袁氏提出增修約法案，於衆議院寢成憲法草案之風潮，質言之，卽總統制之爭也。既而袁世凱通電各省，討論憲法，欲借外省之力，以推翻制憲起草會其結果，乃解散國民黨，取消國民黨籍議員，而國會遂解體。是時內閣爲熊希齡種種破壞，法治之命令，熊皆副署。段祺瑞仍長陸軍，對於袁氏之專斷，頗有微辭。迨袁克定以稱帝之意告段，段旋離陸軍之任。

(9) 段袁意見之齟齬

段祺瑞與項城早歲治兵經營小站，左提右挈，相契以心。迨袁氏踰覆滿清，身任總統，段氏

翊贊之力實多以數十年之故交握中樞之兵柄雲龍風虎宜有聲氣之懽而人謀鬼謀竟啟齟齬之漸則咎實在袁非段之凶終隙末也段自袁氏執政以來久任陸軍凡事上之擘畫袁悉以委託段氏其時徐世昌尙避地不出袁之所謂股肱心膂者趙智庵外惟段氏耳卽革命再起不三月而內亂悉平運籌決勝之功半出段氏之借箸及各省底定袁氏忽萌盜國之心於是先賄囑公民團數萬人包圍議院迫卽日選袁爲總統否則選舉人不得出院門一步而正式總統乃應運而出受職以後方謂陰謀可熄無復有煽惑之虞矣不意袁克定醉心禪襲先密告趙秉鈞氏欲行帝制秉鈞謂不可鈞平日嘗對袁氏曰徒居元首而恆受南人之責言何若領北洋時猶自由也意頗忠於袁氏克定誤會其旨以趙氏爲隱諷帝制也故首以密謀相告而趙不謂然復囑載振假奕劻意語徐世昌謂項城當速正大位請世昌領袖勸進徐以微詞責之載振慙沮袁氏意亦中餒而克定乃寬頰憇憇之後遣阮忠樞游說段祺瑞忠樞字斗瞻爲袁氏北洋幕僚長於辭令與祺瑞素稱莫逆交度進說必易爲所動一日阮氏至國務院乘間從容語段氏謂清慶王父子數稱項城天與人歸力請更張國體以寧天下段氏不待詞畢卽厲聲斥之戒阮勿妄言阮知難而退以告克定克

定。衛。之。數。潛。段。於。乃。父。之。前。由。是。袁。段。漸。不。相。能。

段祺瑞本贊成共和之人。其主張民主由來尙矣。當清廷遜位之初。段芝貴主張推袁爲君主。段祺瑞則主張舉袁爲民主。宗旨之不同。蓋彰彰也。袁固豔羨君位者。故當唐紹儀南下議和之時。北方各代表猶挾有虛君共和之見。迨由武漢以迄上海。親見南方人情一致。贊成民主。遂不敢表示其意見。袁黨要人密告徐世昌。請決從違。徐曰。姑從民主。以順時。袁氏意乃決。適與段祺瑞宗旨相合。故段聯電以促清室退讓。至是。既面斥阮忠樞。或有詢以帝制者。段輒謂。項城屢有宣言。不做皇帝。克定胡鬧耳。定聞而深嫉之。乃與袁乃寬謀。力排祺瑞。袁乃寬者。亦汴籍。然非世凱宗族。以親附項城。形迹甚密。故克定等咸以昆弟視之。曾爲陸軍次長。與段氏既接近。且熟知陸軍部情勢。因段氏之不附帝制。乃獻計袁氏。請練禁軍以防段祺瑞。克定大稱善。由是袁段日以乖離。未幾。命段督湖北。遠之也。

10 段氏之出鎮武昌

武昌據長江之衝。要爲革命軍發祥之地。形勝所在。舉足重輕。黎元洪以革命元勳。被選爲副總統。而仍坐鎮武昌。以爲東南之保障。段祺瑞平日頗謂黎氏柔懦。無遠度。二次革命之

際。黎。則。陰。助。北。軍。李。純。等。傾。兵。南。下。順。流。無。阻。黎。氏。實。默。相。之。袁。感。其。義。力。與。結。合。而。段。氏。則。恆。詆。黎。於。袁。謂。其。徒。好。虛。譽。非。真。心。向。附。也。帝。制。儀。起。遣。人。示。意。黃。陂。黃。陂。則。默。示。反。對。袁。氏。忌。之。一。面。陰。喉。駐。鄂。之。北。軍。勿。受。黎。氏。節。制。黎。不。自。安。密。請。入。覲。乃。派。王。家。襄。等。親。至。武。昌。甘。言。厚。辭。以。迎。黎。氏。恐。其。部。下。有。變。則。佯。言。因。公。渡。江。去。遂。驅。車。北。上。行。踪。詭。祕。雖。接。近。黎。氏。者。亦。弗。能。預。知。至。十。二。月。十。日。袁。政。府。下。令。曰。副。總。統。黎。元。洪。因。公。晉。京。命。段。祺。瑞。兼。領。湖。北。都。督。事。

段。氏。久。典。軍。樞。其。資。望。與。材。力。不。特。爲。北。方。將。士。所。傾。服。卽。南。方。諸。人。亦。交。口。稱。譽。茲。則。反。對。帝。制。與。袁。克。定。等。積。不。相。能。恐。其。患。生。肘。腋。故。假。都。督。武。昌。之。事。先。使。其。離。開。陸。軍。部。爲。釜。底。抽。薪。之。計。知。黎。氏。之。懦。則。誘。其。入。都。陽。示。優。崇。而。陰。脅。其。軟。化。知。段。氏。之。懷。則。命。其。出。都。陽。資。鎮。攝。而。陰。奪。其。兵。柄。此。皆。帝。制。黨。之。奇。謀。異。術。也。祺。瑞。以。陸。軍。總。長。之。資。格。兼。領。湖。北。都。督。對。於。黎。之。部。下。則。稱。暫。攝。且。以。副。座。行。將。返。旆。宣。示。大。衆。故。都。督。之。職。等。於。虛。擁。對。於。陸。軍。部。則。名。雖。眞。除。而。身。實。遠。處。武。昌。有。鞭。長。莫。及。之。概。段。氏。此。時。徒。虛。懸。兩。地。而。已。段。於。十。二。月。十。日。奉。命。出。京。越。八。日。袁。氏。卽。有。兼。領。湖。北。都。督。黎。元。洪。准。免。本。官。之。令。黎。氏。此。

時已受項城之羈絆而武昌地方重要又不欲段氏久居至翌年二月一日即令段祺瑞回京以段芝貴署湖北都督芝貴則素主君主且親附袁氏者也其時豫省有白狼之患豫督張鎮芳葺鬪不事事以其爲項城表親令爲河南都督爲袁看家而頑鈍委靡日惟吸鴉片或與僚屬點籌縱博自夜達旦以爲樂而白狼乃坐大陷光山破商城圍固始旁流於安徽六安霍山之間袁政府既以段代段復令祺瑞沿途助剿白匪蓋既欲其交卸都督又不欲其遽回陸軍本部也段於此時既逗遛於京外而帝制黨則慘淡經營亭毒於京內

(11) 帝制發生時代之段氏

九天闖闖萬國衣冠此固項城袁氏皇帝之夢也袁世凱本爲前清之官僚習見君王之尊榮而又身居北京玉門黃闔之間時有觀望勞形之概且北京之習俗異於南方國體雖更而皇帝之空氣猶彌漫於崇城之內曾入都門者類能言之袁氏既狃於贛寧之捷又利歐戰開始列強無暇東顧計外交上之重要者厥惟日本但得結好東鄰即可成東方兩大帝國左提右挈之局長子克定尤醉心於君統之傳襲多方營謀以增長乃父稱帝之熱度而私欲遂戰勝公理然其時稍識時務者皆不謂然故恭順如黎元洪既默示反對而深交如

徐世昌亦有恥臣二姓之表示。心腹如趙秉鈞、段祺瑞皆曰不可。而尤以段祺瑞之反對爲最力。以私人言之。段之於袁固非尋常交誼可比。故當辛亥議和之際。段則受袁氏之意。指而聯電促清室退位。其時段之宗旨固欲推翻滿清。奉袁氏爲總統。建一理想的共和國家。至袁既受職解散民黨。陵轢國會。肆行強權濫用借款。種種行動已爲段氏所弗與。祇以平素提攜之誼不忍遽示反抗。且袁氏屢有宣言決不動搖國體信誓旦旦。口血未乾。忽欲大冒不韙。履行篡竊。無論公理私情均當反對。段氏之意實由於良心上之判斷。而袁世凱終行其志。且加段氏以猜忌。則利令智昏也。

段祺瑞既奉回京之命。而中央政府之變態日新。始則停辦京外各自治會。以取銷民意之機關。既而公布新約法。先實行總統制。以樹專斷之基。廢棄內閣。改總理爲國務卿。國務院爲政事堂。皆直轄於總統。威權之下。而惟命是從者。斯時民主政體之本義已剝奪殆盡。特名義上猶存總統之號耳。對於京外則改設省道縣三級之官制。裁撤各省都督。以削地方之兵柄。對於京內則創設參政院。羅致舊時官僚以爲發縱指示之樞機。此民國三年時之種種籌備也。政府之組織既更。國本之動搖以起。其最與總統專制有關係而足以制服段

祺瑞之陸軍部者，卽組織海陸軍大元帥統率辦事處是也。我國海軍實力甚微，防亂之具，惟陸軍是賴。而陸軍總長段祺瑞，則反對帝制者也。自有統率辦事處，則海陸兩部之兵權，皆集中於總統府。總長無異具臣矣。由是凡軍事上之問題，皆請命於處中，而袁與段氏之關係，乃不絕如縷。此籌備帝制之第一目的也。

(12) 袁氏之外交

袁氏盜國，其唯一政策卽聯絡日本。是已此時祺瑞既以反抗帝制處疎遠之地，不預國政，則袁之外交似與段氏無關係。不知年來中日之膠擾，與段氏最近之政績，其種種原因，皆肇於此。吾國人憤邇來外患之憑陵，對於段氏輒多讓辭，而不知推原禍始，皆醉心君主之袁氏階之厲也。故爲之略述如左。

民國四年，項城稱帝之計畫已定，其時歐戰方始，列強無暇顧外交上之要旨，首在親日。乃遣有賀長雄歸日，與日政府秘密商權訂承認帝制之條件。嗣又從梁士詒之謀，施最後之運動，一面電駐日之陸宗輿運動日本實業家鼓吹帝制，一面先使人與日本駐京公使在北京開議，作非正式之交涉。其提議條件如下。

一吉林全省割歸日本 二奉天司法權讓於日本 三津浦鐵路北段割歸日本 四天津山東沿海海權割與日本 五中國財政聘日人爲顧問 六中國軍隊歸日人教

練 七中國槍礮廠由中日合辦

觀右列各款實足以亡中國而有餘蓋鐵路海權財政軍政四大端無不握於日人之手而割裂土地猶餘事也厥後二十一條之通牒及段祺瑞與項城之決裂其原皆出於此袁氏以爲如此要結事無不諧矣不意好事多磨外交上忽遭二次之打擊第一次卽來駐京外使之警告第二次卽周自齊使日遭日人之拒絕是也日本知袁氏稱帝非出於人民之意而日日本民黨聞其政府將接待中華賣國專使承認帝制則行暗殺以止其進行而洪憲皇帝之命運卽可於外交上下之矣顧袁氏雖受此挫折而進取曾不稍懈一方爲對外之運動一方則爲對內之佈置對內之事約言之可分爲兩大綱第一假造民意爲全國一致贊成帝制之運動第二遏制軍閥之反對卽對於段祺瑞等種種防範之手段是也

(13) 假造民意與段氏下野

假造民意爲帝制黨一手掩盡之妙計然籌備之初徐東海曾說袁氏曰凡事當熟計利害

萬一半途而廢。將何術以轉圜。袁氏卒然曰。國中有權力者。豈亦反對此舉乎。徐曰。段祺瑞從公最久。已首先自有意見。他可弗論矣。袁氏爲之憮然。乃益信克定等之譖段爲不謬。一面嗾楊度等建設籌安會。越十日。竟罷段祺瑞陸軍總長。而代以王士珍。王與段同爲北洋將帥之弁冕。又與段氏先後任江北提督。其學識資望有瑜亮一時之目。清室既退。王士珍卽避居不出。此時經袁氏之敦勸。出而代段。段去而袁氏以爲莫余毒也。已於是楊度孫毓筠嚴復劉師培李燮和胡瑛諸人。竭力盡智。製造輿論。運動各省贊成帝制。所謂洪憲六君子也。旣而復由梁士詒沈雲霈張鎮芳等設立全國請願聯合會。向參政院呈遞帝制請願書。內則組織國民代表大會。外則密電各省將軍巡按令其製造民意。辦理選舉授意選舉人。使之一致推戴袁氏。而於寫票時。復由官吏嚴爲監督。強迫其同意。不得於票上寫他人姓名。各省旣一律舉行。至十二月十一日。參政院遂舉行全國國民代表大會。爲解決國體之總開票。其結果則一致主張君主。無一票反對者。製造民意之成績。可謂優美絕倫。於是楊度孫毓筠等提議。恭上推戴書。略謂全國旣然一致。並委託本院爲國民總代表。本院卽宜以總代表名義。據情上書勸進。云云。全體贊成。遂由秘書起草。用奏摺體裁。代表推戴之。

意大旨謂全國傾向君憲請俯順輿情早登大寶等語袁氏則南面讓之者三北面讓之者又三咨復參政院伴辭推戴而不受孫毓筠曰推戴一事出於全國人民之至誠元首未便過辭拂天下蒼生之望應由本院再以總代表名義遲遞第二次推戴書以不負衆庶委託之至意衆皆贊成乃復由秘書廳起草頃刻而成二千六百餘言之文蓋不啻取諸袖中也袁乃不復辭至次日竟以申令承認民意之推翊接收帝位

(14) 袁氏防段之陰謀

項城之於段氏情誼素孚本無嫌隙之可啓自袁克定乃寬等力謀帝制段氏爲劇烈之反對克定等遂日夜短段務排去乃快項城爲羣小所惑於是稍稍遠段氏願以爲平生舊交且陸軍部權重段又負時譽故不敢輕啟釁端段氏嘗語人曰項城本清室大臣以贊成共和遂爲總統今若稱帝何以對故主微論民國語聞於袁頗憎其懟已猜嫌漸興乃謀所以防段者袁乃寬獻計於克定謂段氏長陸軍久握兵柄萬一有蕭牆之變將不可制宜亟增禁軍先謀內重克定大稱善遂與乃寬編模範軍親領所部不隸陸軍部管轄段氏督鄂遙領陸軍袁氏乃乘此中斷之時期力謀軍事之集中組織海陸軍大元帥統率辦事處凡百

軍政皆請命於辦事處。而陸軍部之權至是剝蝕殆盡矣。故段氏自鄂督還京。雖仍領陸軍。不啻爲寄生之草也。籌安會起徐世昌忠告袁氏謂默揣此舉恐未必其成功。平素相從如段祺瑞已持異議。陸榮廷等不待論矣。袁氏稱帝之熱。惟時方熾。聞徐言遂決意去段。而繼段之任者頗難其人。或言王士珍聲望學識實與段氏相伯仲。而前清官階曾居段之右。以長陸軍必愜衆望。袁氏大喜力斬王氏。出王堅辭克定親往勸駕。往復十餘次。終則長跽不起。至於流涕。王氏不得已然後受命。袁乃逕免段祺瑞陸軍總長職。以王繼任。此爲段氏民國以來第一次下野。時四年八月二十九日也。

袁世凱者陰狠猜忌之雄也。其於人也尙權術少誠意。段已去職袁氏不許其出京。且時時偵察其行動。段氏至是幾失去其自由。初日本以二十一條最苛之密約要求中國承認。即歐洲和會宣布之二十一條並以最後通牒迫壓政府。依限答復。袁世凱急於稱帝。以此項密約爲承認。帝制之交換條件。竟允日本之要求。即五月九日之事也。段祺瑞既反對袁氏稱帝。又憤日人之有挾而求。遂假五九日約事通電各省。主與日本開戰。然斯時各省將帥尙懼於袁氏之威權。且安富尊榮。誰願開釁強敵。故段氏通電決不能發生效力。特聊以洩憤耳。袁世凱聞

而笑之曰。芝泉老友去則去耳。何必出惡聲哉。由是益忌段氏。段斯時頗負人望。袁恐其爲民黨所動。故監視甚嚴。使不得越雷池一步。

(15) 投閒時代之段氏

段祺瑞自小站練兵以來。以迄民國四年。無日不周旋於軍事範圍之內。辛亥以還。於軍事上尤佔重要之位置。自帝制發生。寢成事實。而段氏之地位。乃與帝制之潮流迭爲消長。此時既去陸軍總長之職。閒居京師。袁氏則一面利用王士珍之和順。可以爲所欲爲。一面則猜防祺瑞之攜貳。而偵察其動作。段於袁相從最久。袁之爲人。固段所素知也。斯時既居猜嫌之地。不得不韜光晦迹。以防意外之虞。故杜門謝客。弗預國事。袁氏稱帝之種種施設。段固絕不顧問。然預料反對者將囂然四起。項城必處失敗之地位。對於一二知交。每以微詞諷託。冀袁氏之覺悟。然帝制黨人方興高采。烈火之大典籌備。段氏知挽回之必無希望也。轉益緘默。以爲遵時養晦之計。迨聞徐世昌氏亦力辭國務卿而去。不禁太息曰。棟折矣。袁氏其不臘乎。蓋徐之於袁交深。於段項城所推心置腹。引以爲長城者。徐去而袁之左右無復有蹇蹇爲忠者。故段氏知其敗不旋踵也。徐既稱疾不出。代徐者爲陸徵祥。袁

政府之蘇模稜也。

段既居留於圍城之中。角巾野服。作閉門之張摯。袁則猜防甚嚴。不但忌段。并忌靳雲鵬。靳此時雖無強勁之軍隊。然以其爲祺瑞所親信。於軍界尙佔勢力。故防段而轉防靳。段既下野。靳亦失其輿援。乃附馮國璋。以自固。馮與段志趨雖不同。顧此時感情尙洽。段氏被黜。馮未免有狐兔之慨。對於帝制頗持首鼠之見。故各省勸進馮。則爲最後之附和。以示不貳。然此時謠誣頻傳。謂段與馮取同一態度。將舉兵南寧反抗。稱帝於是。袁氏內則嚴偵祺瑞之行動。而外則假換防爲名。調陸軍第四師第十師屯駐上海。調第五師之一旅駐紮蘇州。調安武軍之第一路駐紮南京。所以防段氏與馮之內外結應者。無微不至。然段氏雖賦閑居。其聲勢轉增於平日。何則。帝制自爲萬衆所惡。段以反對最力。驟遭罷斥。一時人心翕然嚮之。此段之卜勝於輿論者。尙有一極重大之關係。袁克定等自練模範軍。欲藉以改革北洋軍閥之勢力。而祺瑞則北洋之領袖也。一旦去職。凡屬北洋系有人人自危之概。而轉結段氏以謀鞏固。故謂段氏爲投閑置散之時代。無寧謂之爲遺大投艱之機會也。

(16) 雲南舉義時代之段氏

段氏閑居時之狀況已如。上章所述。段雖蟄伏都門。手無寸鐵。而袁克定以君主世襲之關係。嫉段尤甚。既與袁乃寬等謀內重外輕之制。復遣人散布流言於京師。謂段祺瑞以反對稱帝爲袁所黜。居恆怨望。將舉義討袁。以徐世昌爲謀主。袁世凱雖不之信。而慮其與北洋舊部有密切之關係。故對於舊時將士亦多猜防之設備。徐辭國務卿。袁恐其居京師。或與段氏表裏爲害。則諄諄囑其必駐津門。既不欲其密處都城。又不欲其遠離畿輔。或爲民黨所誘。而不利於己也。段祺瑞對於徐氏平日頗致傾佩。故謠詠之興。亦持之有故。惟段氏此時斧柯莫假。肘腋生嫌。實不能揭竿起事也。豈知北方之將帥。雖潛伏於內。而南服之義旗已聯翩而起。蔡鍔戴戡等袁氏所羅而致之京城。以防其反側者。至是已免脫而去。雲南將軍唐繼堯得蔡鍔秘密之報告。決心舉義。與李烈鈞黃毓成趙復祥等先開軍事會議。部署獨立。而蔡松坡氏適自都門回滇。遂決議蔡氏出征。唐氏留守。戰守兼籌。三道出發。第一軍逕取四川。第二軍向廣西進行。以圖湘粵。第三軍開至雲南邊境。防守本省。至民國五年元旦。雲南設立軍政府。大舉誓師。雲南士紳數萬人羣持鮮花慶祝共和。宣呼民國萬歲。與北京之三呼皇帝萬歲遙遙相應。蓋此年改元洪憲已實行。稱帝也。而罷職養疴之段祺瑞至

是乃栩栩有動機矣。

(17) 洪憲用兵時代之段氏

袁世凱。狃於二次革命之勝利。毅然稱帝。然洪憲之年號。方頒而四面之楚歌已起。將帥離心。士無鬪志。一敗塗地。不可收拾。其故何哉。則段祺瑞之罷斥。而北洋軍系人懷疑貳故也。民國四年之杪。滇軍既倡義旋入四川。瀘州既而湖北軍隊又有暴動之耗。袁世凱知滇中軍事非空言所能補救。乃積極用兵。以爲開國武功之紀念。一月四日召集軍事會議。議決分三路擊滇。以湖南爲第一路。四川爲第二路。廣西爲第三路。分道進兵。蓋師清代平三藩遺策也。以曹錕爲第一路司令。秦國鏞副之。由湘經黔向雲南進攻。張敬堯爲第二路司令。王鶚副之。由川進窺雲南。以龍觀光爲第三路司令。統粵桂兩軍。由百色間道入滇。此皆袁氏對滇之方略也。當是時袁氏以極盛之兵力。規復滇黔。調動軍隊至十餘萬之衆。用去兵費至六千萬之鉅。其力可謂雄厚。而卒不能成功者。則以其中有一大阻力焉。卽段祺瑞是已。段氏雖下野。而對一般統兵將帥。威信猶存。且其反對帝制之決心。尤爲諸人所共諒。曹張之爲袁氏效命。強半皆面從而已。所以統率辦事處。日日以電催前敵。促其出兵作戰。而

段祺瑞遙約馮國璋暗中竭力阻遏勿使進兵袁皇帝無可如何則屢以爵賞寵錫敬堯而敬堯則受段氏之意旨但受賞賚而不進師頓兵於瀘州佯作戰備而已既而張敬堯通電袁氏請起用段此尤彰明較著者也夫段祺瑞以反對帝制而罷職張敬堯爲討伐反對帝制之將帥乃於前敵電請起段是明示將士之心傾向段氏而不奉袁氏也項城本北洋軍系之盟主茲以帝制自爲之故不恤破壞北洋系之精神袁段之決裂一般將士未免有狡兔良狗之慨至是四方風動羣起攻袁咸知袁氏之必敗乃移囊時之奉袁者轉而附段要段氏之出而執政以固各人之地位此心理之易明者也未幾李純靳雲鵬馮國璋張勳朱瑞等聯電促袁取消帝制以安人心所謂五將軍警告是也黎元洪於此時復勸世凱起用段祺瑞及徐世昌以收拾時局於是段氏登臺之機漸熟

(18) 段氏之推翻洪憲

段氏沉毅堅忍出於性成以強韌之質而又富於自信力心以爲是者必欲貫徹其主張心以爲非者威武不能移其志故北洋派稱之曰虎其剛強自任可知段氏嘗言平生與項城有特別關係故對於項城無不表示服從惟稱帝一事則反對獨烈蓋主張共和實段氏固

定之宗旨。至不恤數十年之故交。以犯袁氏之逆鱗。使洪憲之號。必推翻而後已。是不可及也。國人咸知帝制之取銷。由於南方之反動。而不知內幕之傾軋。實段氏之力居多。此中消息。皆袁氏所不及料也。蓋袁氏既罷祺瑞而沮之於圍城之中。以爲段已無權無柄。不能有所爲。又以爲有海陸軍統率辦事處。總攝戎機。發縱指示。無慮掣肘。故蔡鐸起義。雲南袁則自謂有陳宦在川。湯薌銘在湘。皆助己最力者。初不以滇事爲慮。俄而黔叛。俄而川軍劉存厚亦叛。則遣曹錕張敬堯領兵南征。而曹錕軍隊到處騷擾。至引起湘鄂兩省之惡感。張敬堯則密受段氏之意。頓兵不進。袁氏已處形格勢禁之境。未幾陳樹藩又逐陸建章於陝西。晉豫之交。皆有岌岌不可終日之勢。而陳樹藩之反動。實承段祺瑞之旨。北洋舊侶對於袁氏之離心離德。至此已成不可掩之迹。故非起祺瑞秉政大局。必不能收拾也。

袁世凱用克定之謀。編製禁軍。以削段氏之兵柄。又欲以新進之人物。接替北洋陸軍之舊侶。以致將帥解體。心向段氏。此實袁之大失計也。外有滇黔之師。內有土崩之患。袁皇帝至此。實爲狼狽。黎元洪忠告袁氏曰。欲挽危局。非起徐段不可。蓋世昌祺瑞皆袁之至交。以不附帝制。棄袁而去。此時若幡然變更。撤銷帝號。不特徐必效命。段祺瑞亦必念平日知遇之

感不忍坐視也。袁氏知事不可爲，適徐世昌又上書切諫，謂及今猶可轉圜，失此將無餘地。袁乃決計下撤銷帝制命令，復手書邀段祺瑞、徐世昌入宮共議大計。袁氏前席而言，力請段氏重入樞府，挽回大局。許之乃免。陸徵祥職以徐爲國務卿，明日任段祺瑞爲參謀總長。段雖受命，仍不視事，且慮曩者反對之劇烈，猜嫌未釋，重入旋渦，頗不自安。決於徐世昌、徐力白、袁氏無他意，請勿懷疑，從速收拾。時局段始出而任事，由是中國大勢爲之一變。

(19) 段氏第一次之組閣

袁世凱既取銷帝制，起用段祺瑞、徐世昌爲亡羊補牢之計。徐任國務總攝，政樞段爲參謀總長，以指揮軍事。此時戎馬倥傯，戰端蠡起，故任段以參謀之職，冀其帷幄運籌決勝千里。然戰禍相尋，挽救無效，蓋有兩大原因焉：一袁氏雖撤銷帝制，忽自舉爲總統，以謀叛民國之人仍爲民國之元首，何以服天下之心？此南方之必不承認者也。二段氏雖復出任事而參謀總長一席殊不足以盡其才，且統率辦事處尙未取銷段之事權，未一尤不能竭力發展。收指揮若定之功。此段氏初任事之實在情形也。徐世昌初任國務，頗以調和自任，先與段祺瑞、銜電致蔡鍔、陸榮廷等，謂帝制取消，請圖善後。而蔡鍔不答，又聯段氏電馮國璋。

請其擁護。中央力任調和。而羽書旁午。迄無成效。徐乃勸袁規復內閣制。以回民意。又自以指揮調度。不若段祺瑞之諳練。而北方將帥。又與段氏情誼最孚。故已則辭去國務卿。乞段組閣。以段氏最負時望。而軍事肇畫。尤所擅長也。袁亦自知已爲怨府。不能總攬政權。遂委段祺瑞爲國務卿。名之曰責任內閣。以示脫去總統制。一以慰段氏之意志。一以新天下之觀聽。於是段祺瑞主持國政。而發表閣員如下。

國務卿段祺瑞

陸軍總長段自兼

外交陸徵祥

財政孫寶琦

內務王揖唐

海

軍劉冠雄

交通曹汝霖

教育張國淦

農商金邦平

司法章宗祥

觀右列各人。除段氏自身外。餘皆帝制餘孽。故有帝制內閣之稱。段氏雖兼陸軍。而財政交通兩部。皆梁士詒黨也。財政全權。既操於梁氏。軍事全權。又操於統率辦事處。堅未交付段氏所負之責任。惟調停南北而已。段既就職。乃通電獨立各省。闡發其內閣之性質。與義務(一)段內閣。自認爲過渡性質。雖兼陸軍。然確非軍樞主義。(二)對於南北兩方。均負責任。(三)既有責任。卽有特別政權。不受總統及他方之牽制。(四)非拋棄國會。實以國會倉猝間不能成立。(五)南方要人。前曾推舉爲閣員。而皆不肯來京。故暫由在京者遴選組閣。段

以此通告南方仍無效力。惟既任艱鉅，則夙興夜寐，爲袁轉圜。段之篤於友誼，可以風世矣。

(20) 段氏停止兌現之內幕

段祺瑞組閣之初，爲去總統制而行責任內閣之表示，故即取銷政事堂，恢復國務院政事堂之招牌。其背面原有國務院三字。此時特一舉手之勞耳。旋又改機要局爲秘書廳，改主計局爲統計局。其機要主計兩部之在府者（當時機要主計兩局皆移入總統府辦公，政事堂中虛設機關而已）皆移入國務院，修正大總統公程式，以爲恢復國體之證。此皆洪憲以後段內閣之成績也。其時尙有一大問題，至今猶未解決而足爲吾人之紀念者，卽段氏以院令停止兌現是也。停止兌現之政策，實出於梁士詒之碩畫。梁本袁氏之計臣，以財神名。袁氏稱帝，梁爲籌八千萬之巨款，以備大典。克定至九頓首以謝。南方舉義，袁欲用兵。梁則獻交通銀行以爲後路。不足復取給於中行。中行總裁李士偉，直隸人，不奉命乃去。李而代以薩福懋，更以周自齊爲中行監督。於是中交兩行遂同。袁氏之私庫基金，現款任意提用，復濫發紙幣，吸收現金，以供其揮霍。兩行內容，至是不堪問訊矣。梁氏恐人民一旦覺察，必起絕大之風潮，乃先發制人，倡停止兌現之策。深夜持稿，迫段總理蓋印。段祺瑞上

制於袁。下迫於梁。閣員皆梁黨。羣附梁。議段氏。縱欲拒絕。而事實上亦殊無濟。遂頌院令。中交兩行。一律停兌。而北京之金融。遂大起恐慌。京師自前清以來。久成紙幣世界。即銅幣亦以紙票代之。取其輕便也。令既下市上。乃一律停兌。予時在京師。頗受人力車之傾軋。蓋此時並銅幣亦無可兌換也。由是奸商漁利。良民受損。膠擾至今。迄未有艾。亦帝制遺孽之賜也。

(21) 黃陂繼任時代之段氏

民國五年六月六日。袁世凱死於京。先是袁病篤。以電飛召徐世昌入都。彌留時。以家事託之徐氏。以國事託之段祺瑞。且請黎繼任總統。以謀調和。蓋此時段氏雖當國。而南方之戰禍未歇。張勳倪嗣沖願出兵十萬以赴前敵。南北激鬪。禍在目睫。而袁氏死耗忽至。兵禍潛熄。袁之遺令有（副總統忠厚仁明。必能奠安大局）等語。六月七日。黃陂應段祺瑞之請。就總統之任。顧黎之就職。並非根於項城之遺令。蓋當帝制接收以後。南方早有宣言。擬請黎元洪繼任總統。以存民國之統系。而抵抗袁氏。其時黎爲袁所困。不能出京。至是就任。國人以其溫柔敦厚。誠信素著。必能盡反袁之所爲。以固共和之基礎。故繼任之日。全國慶幸。

競讀黎之宣誓曰。(元洪於本月七日就大總統任。自維德薄。良用兢兢。惟有遵守法律。鞏固共和。期造成法治之國。)又曰。(現在時局顛危。本大總統驟膺重任。凡百政務。端資佐理。所有京外文武官吏。應仍舊供職。共濟艱難。勿得稍存諉卸。)云云。自黃陂受職。而國內大勢又一變。

袁世凱之死。京師一般帝制遺黨。頗有風動之勢。甚至欲犧牲國家。作孤注之一擲。人心浮動。在京官吏。皆紛紛移家天津。若避大禍之將至者。賴段祺瑞竭力鎮定。維持危局。而南北歡迎之黎元洪。始得安然無恙。段氏策定之功。固不可掩也。自茲以往。段祺瑞乃完全脫去帝制餘韻。而有正式責任內閣之資格。

(22) 段氏新舊約法之爭執

袁死。黎繼段氏當國。此時忽生一極大之問題。即新舊約法之爭是也。在南方則以舊約法係民國元年擬定之根本法。新約法乃袁世凱私自竄改之法律。民國所絕對不能承認者。故舊約法不恢復。則共和無基。而民國失所依據也。軍務院一方面以此相號召國人。既多贊同。即馮國璋趙倜等亦承南方之意。申電陳請。而段總理則主張沿用新約法。或加以修

正之手續。故段氏第一次致各省及岑春煊等之電。有曰（恢復元年約法。政府初無成見。惟以命令變更法律。後患不可勝言。三年約法即新約法履行已久。一語抹煞。則一切法令。將受動搖。不能再審慎。）云云。是段祺瑞氏以行使新約法爲適宜。而南方復電。則（三年約法絕對不能視爲法律。且黎總統之繼任。及今國務院之成立。均根據於元年約法。一法不能兩容。）云云。而段祺瑞猶不肯取消新約法。於是上海海軍遂因此問題而宣告獨立。蓋以武力促其覺悟也。並電告馮國璋。請其同意。上海海軍屬第一艦隊。勢力最厚。一旦有事。則取南京。安慶。武昌。南昌等處。易如拾芥。北京政府聞變。失色。國會議院三百人同時又電告段內閣。請其廢止新約法。以元年法律爲根本之解決。段氏動於公議。乃決心恢復約法。於六月二十九日。黎總統下令恢復民國約法。新約法即時廢止。而爭執始已。今日憲法猶創制無期。此舊約法尙應用未已也。

(23) 國會之恢復

段氏佐黎總統主持內政。其時南北尙未統一。段氏則以取消各省獨立爲唯一之要務。而其時有三大阻力。第一問題。卽新舊約法之爭。第二問題。爲召集國會。第三問題。爲懲辦帝

制黨非先。以此順承南方之意。不能收統一之功。第一問題之解決。已如上章所述。第二問題亦經黎總統明令召集。略謂（中華民國國會自三年一月十日停止以後。時越兩載。迄未召復。以致開國五年。憲法未定。大本不立。庶政無由進行。亟應召集國會。速定憲法。以協民志。依臨時約法第三十五條。續行召集國會。定於本年八月一日起。繼續開會。）自此令下。全國懽呼（約法）（國會）皆法律根本問題。茲以黎段之同情。同時恢復。誠爲收拾人心之至計。此洪憲以後。段氏當國之第一政績也。先是國會議員張繼孫洪伊谷鍾秀等。通電各省提議。自行召集國會。以上海爲集合之地。議員之陸續到滬者。已達二百餘人。迨黎總統明令召集。復發通告。改正地點。以北京爲集合之地。限於七月三十日以前齊集北京。俟足去定人數。卽行開會。迨八月一日。參衆兩院同時開會。大總統蒞會。宣誓國務總理兼陸軍總長段祺瑞。交通兼內務許世英。財政兼外交陳錦濤。教育范源濂。農育張國淦。海軍程璧光。均蒞會。黎總統宣誓曰。余以至誠遵守憲法。執行大總統之職務。其時國會重開。觀者如堵。都門氣象爲之一新。民國再建之段總理。誠足自豪也。

(24) 段內閣之組織及政策

國會既集。共和復活。段祺瑞有倒袁之功。且翊衛黃陂。重建民國。當此南北未一新舊遞嬗之秋。首揆人才自非段氏莫屬。遂依法組織。責任內閣。初商之於徐東海。請其同出組閣。徐固辭。且告之曰。今雋人任交通。何殊老夫在閣。雋人許世英。字徐之舊僚。而親附段氏者也。既而又以三事勗祺瑞。一固結北洋團體。二保持中央威信。三解釋民黨夙嫌。故段氏著手組閣。卽根據此三種主義。進行閣員名單。則帝制黨人見前章一律更動。以新政局之觀瞻。故陸徵祥王揖唐等皆下野。而以唐紹儀爲外交總長。許世英爲內務總長。陳錦濤長財政。張耀會長司法。孫洪伊長教育。農商張國淦。交通汪大燮。海軍程璧光。陸軍由段總理自兼。合官僚民黨中立各派而成。一混合內閣。旋又改孫洪伊爲內務總長。范源濂任教育。汪氏不願入閣。以許代之。唐在南方。以陳錦濤兼署張耀曾之司法。則由張國淦兼署。而段內閣勉強成立。段氏自民國建始以來。陸軍總長一席非專任卽兼任。有如終身之職。此亦中國執政之創例也。段既組閣。惟時任事頗精勤。一意掃除袁氏舊制。計當日政績。如改各省巡按使爲省長。廢止封爵條例。及國賊懲辦條例。附亂自首特赦令。糾彈法。皆以明令發表。旋廢除文官秩令。卿大夫士之虛榮。至此遂一律褫奪。政治犯亦一律釋放。其他如統率辦事處。

參政院肅政廳軍政執法處凡屬於帝制時代之機關均早已撤銷至十一月段氏復承南方之意爲懲辦禍首之表示請黎總統下令略謂國體變更全國紛擾首禍諸人實尸其咎楊度孫毓筠梁士詒顧鼈夏壽康朱啓鈴周自齊薛大可均著拿交法庭嚴行懲辦其餘一概寬免云云於是肇慶軍務院亦同時由唐蔡等宣告撤銷略謂本軍務院爲求統一見宣告撤銷國家政務靜聽元首政府與國會主持云云由是段內閣始告南北統一之功而北京政府有完全代表民國之資格此政績之最著者也

(25) 府院之衝突

黎黃陂繼任之初段祺瑞以責任內閣之總理主持國政議會既開南北統一羣情嚮往喁喁望治不意內部暗潮軒然迭興而有府院之衝突府指總統府院指國務院質言之卽黎與段之衝突也當其衝者公府方面爲孫洪伊國務院方面爲徐樹錚孫天津人北籍軍官多其戚舊奔走革命爲同盟會健將黎馮之不附帝制贊成舊約法孫洪伊之謀居多段氏組閣洪伊爲內務總長無日不至總統府參預庶政黃陂每與人言事孫輒越俎代謀雌黃黑白旁若無人隱然執府中之牛耳徐樹錚爲段之門人有文武兼資之目段氏以總理兼

領陸軍。徐則以院秘書長兼陸軍部次長儼然爲總理。第二予時居京師習聞陸軍部人言徐氏驕恣狀。院中員司亦言徐氏在院天下將從此多事。而段總理寵眷甚優。惟言是聽。又隱然執院中之牛耳。之二人者皆負氣。每論事不可一世。院中公牘送府用印者孫洪伊輒指謫之。或加以刪改。由是孫徐積不相能。日以爭持。意氣爲事。府院之衝突遂成。黎段之惡感黎既不能制孫。段復信任樹錚。膠膠擾擾不可終日。樹錚謂洪伊通報館洩院中機密。孫則謂徐恃段勢迫元首。每於大庭廣衆中互相醜詆。竟至大闕。於是黎段交迎。徐世昌入都爲府院之調人。時徐居輝縣。使者相望於道。至之日傾城歡迎。徐謂芝泉自信太甚。而黃陂左右非人。非改絃更張則蕭牆之禍將波及全國。乃決議免孫洪伊職。而使徐樹錚辭院秘書。孫遂出京。徐則仍主段氏也。孫徐之爭於是形式上告一段落。然段總理與黃陂之感情卒以是不復融洽。未幾段氏提出對德絕交案。而黎段遂決裂。

(26) 段氏之對德絕交

歐戰開始。俄英日法以次向中政府通告。與德宣戰。時在民國三年六月。以袁氏專心帝制。無暇爲對外之謀。僅宣布局外中立而已。日本密邇中華。袁氏欲資爲己助。締結種種密約。

山東問題亦在其內。於是日人謀華之熱愈熾。時德與我尙未絕交。既稔日人之野心。乃宣告我政府禁止外兵經過中國領土。意在防日人之奪取青島也。未幾日人果來宣告與德宣戰。翌日政府乃籌備山東中立。蓋知日人必欲奪我山東矣。既而日本兵遂由山東登岸。據我龍口。逐我官吏。占我濰縣。至十月四日。日人以占領青島告而政府無如何也。至是我國之中立已爲日人所破壞。及黎總統受任。段祺瑞用梁啓超之謀。主張加入協約對德絕交。爲宣戰之預備。而黎總統則納左右之議。不允段請饒漢祥者府之秘書也。夙從黎氏。平日頗憤段氏於段之對德反抗。尤力黎與段。遂因外交政策之不洽。府院又大起衝突。段祺瑞憤而出京。夤夜赴天津。時馮國璋在京多方調停。邀段還京。以承認對德絕交爲條件。越六日國會遂予通過。段於三月四日赴津。十日得國會通過。此爲黎段交惡之第二時代。絕交之第二步爲對德宣戰問題。段祺瑞既力主加入協約。先以強韌之手腕使議會通過絕交案。黎之左右如哈漢章等則憐黎。遂段段愈憤。則謂對德僅予絕交殊不足以副協約之望。必當以宣戰貫徹其主張。而黎總統則始終不以爲然。國會亦表示反對。故五月七日段總理提出宣戰案於國會。明日卽有公民請願團包圍衆議院之舉。然議院雖經此大闖。仍議決從緩宣戰於

是國務院與國會又交惡。段祺瑞怒國會之牽掣，認爲黎總統之指使，遂由督軍團通電倡解散國會之議。解散國會者，卽所以推翻總統也。此五月十九日事。至二十三日，黎總統毅然免段祺瑞職，而代以伍廷芳。段則卽日赴天津，發布通電，而段與黎至是乃斷絕關係。段祺瑞既罷，督軍團大譁。楊善德乃首先獨立，倪嗣冲、張懷芝等繼之。張勳則帥師北上大會於天津，俄而復辟之難作。

(27) 復辟時代之段氏

張康復辟。段祺瑞誓師討逆，成三造共和之績。時勢與英雄固有相須而相成者，故欲述段氏之事績，不得不先溯復辟之由。來以資考鏡。復辟之密謀起於徐州會議。事在民國五年六月。袁世凱於六月六日病故。張勳卽於六月九日開徐州會議。其開議之原因，名曰擁護中央。實期欲保持武人之團體，以爲盤踞地位之同盟。其宣布之條件共有十則。而第一條卽爲尊重優待清室之成約。其次則爲固結團體，務取同一態度，嚴整兵備，各保本省治安。而復辟之密計卽隱括於此三種條約之中。其餘各約皆門面語耳。是年民黨不得志於段祺瑞，則選馮國璋爲副總統，而當選之前十日，十月二十日，張勳又開第二次徐州會議，名爲聯合。

各省區籌議地方治安。實則對於復辟爲進步之討論。倪嗣冲馮國璋素不主張共和。張勳則其部下皆垂辮髮以爲標幟。坐鎮徐州以來。隱然爲江淮之盟主。當密議復辟時。馮亦贊成曹錕。則以所議質之徐世昌。徐謂不宜行。行則必妨害清室。衆聽其言。乃相約各守秘密。以待時機。迨民國六年五月二十三日。黎黃陂信孫洪伊之言。謂馮國璋極願擁護中央。助黎倒段。黎遂免段祺瑞總理。代以伍廷芳。倪嗣冲楊善德張懷芝等。履行徐州契約。紛紛宣告脫離中央。公舉張勳興師問罪。以兵力迫散議院。或曰段氏憤國會之反抗。召張勳北上解散國會。其說則當時揣測之詞。未敢以爲信也。

段祺瑞既罷職。伍廷芳不願任事。黎元洪任李經羲爲總理。以其爲鴻章之猶子。可以壓倒北洋。元白也。然經羲仕清時。殊葺闢無所建樹。此時黎氏雖命其組閣。而頗有悔心。適張勳北上。黎氏結納備殷。待以殊禮。請其調解國難。勳亦表示願助仲軒。李經羲氏組織內閣。爲黎排解。惟曰國會專橫。非勒令解散。則各省將一致反對。黎氏懼其暴動。則依違遷就。特任江朝宗代理國務總理。副署解散國會之命令。既下。越日張勳入京。俄而倪嗣冲等宣告取消獨立。予時在皖北。見倪之通告。中有中央悔禍。輸誠本省。長即當取銷獨立等語。時六月十九

日也。

張之北上也。予適游淮徐之間。頗聞其唯一之宗旨。即在復辟。與張有關係者。頗以密電勸阻。謂時機未熟。民情未孚。兵力未集。不可輕動。張亦覆謂。俟大局粗定。內閣成立。即當返徐。初未有復辟之表示。蓋當天津會議時。天津領事團既抗議。督軍團之帶兵到津。而徐東海亦力却復辟之議。故其唯一之宗旨。已暫時停頓。七月一日之變。則劉廷琛萬繩棧康有爲之力也。而廷琛尤狂熱。封賞皆所手擬。繩棧字公雨。爲張勳參謀。長康有爲則素以君憲自鳴者。時出入於張勳之門。聞勳北上。則接踵而至。手草詔書。多紙星夜授張勳。張尙猶豫。而萬公雨慫恿甚力。謂千載一時機會。可惜勳時從江西會館宴會歸。已被酒聞萬說。瞿然而作。立下動員令。叩禁門。擁宣統臨殿清室。諸人知變起倉猝。且不測。皆戰慄失措。有號泣者。張則挾幼主下詔。變國本。授諸舊臣之同謀者。官爵有差。詔令官制一如舊時。朝謁者紛購翎頂蟒服。備朝謁市塵。蓄舊官儀者。皆利市十倍。黎元洪於二日遷居。使館界電請馮國璋代理職務。惟時倖進諸臣。方且脚靴手版鼓舞。從龍而清室則自讓。帝以下皆如墮五里霧中。日遣宦者至東安門外。購朝報。進閱以覘外間情勢。適徐世昌以電告世續。謂變生不測。

宜處以鎮靜勿妄動俄而段祺瑞之討逆軍果起。

(28) 段氏討逆軍之組織

段祺瑞當辛亥之役首以聯電贊成共和促清帝退位其斷不欲君主之復活蓋彰彰矣袁世凱稱帝猶極端反對卒推翻洪憲而後已而況復辟張勳之冒昧行事以段氏方免職閑居手無尺寸無能爲役故漫不爲備而近畿擁重兵者惟曹錕張作霖則平日已有接洽度不至反動直省長朱家寶已首先附從畿輔治安無虞意外自謂佈置尙妥不妨先發制人徐以圖根本之解決不謂在野之段前總理竟借梁啟超入陳光遠營誓師馬廠興兵問罪七月四日段氏電聯馮國璋一致反對復辟組織討逆軍設立總司令部於天津造幣總廠分道攻張勳六日馮國璋得段祺瑞之電請布告就代理大總統職馳檄遠近從段討逆明日討逆軍佔領豐台直逼京師張勳軍隊多駐紮天壇突爲討逆軍包圍下令繳械投誠者各給餉另候編製於是定武軍皆降圍城之內兵不過五百人據中央公園以戰然已強弩之末矣俄而段軍以礮毀張勳住宅張知不可爲則乘摩託車以遁遂入荷蘭使館從張者各鳥獸散多匿伏六國飯店當萬繩械之說張復辟也張妻戟指詈之日使我張氏子孫永

無。噉。飯。地。者。若。也。而。萬。不。饒。至。是。果。及。於。難。

十二日。討逆軍。攻克京師。張軍復辟。要犯張鎮芳。雷震春。馮德麟等。皆就逮。明日。段祺瑞。遂入京師。徐世昌。於段之行戒之曰。此次之舉。雅非清室本心事跡。昭然。幸勿藉此。加罪清室。張勳。殊鹵莽。滅裂。然須念。同袍舊誼。窮寇莫追也。祺瑞曰。優待條件。當爲盡力保存。若少軒者。豈能就逮。徵公言。吾亦不忍也。及段至京。先事規復。對於張勳。亦殊放任。後雖懸賞緝拿。皆官樣文章耳。張固未越留池一步也。張勳嘗語人。徐州會議時。簽名主復辟者。其人皆在今若。賣友。我將宣示國人。也。蓋從段氏討逆者。或亦曾與議也。祺瑞既入都。恢復墜緒。李經羲已早遁去。黎黃陂。卽於是日。通電辭職。而夢幻泡影之復辟。至是。完全消滅。

(29) 段氏第二次之組閣

段之誓師討逆也。以天津爲總司令部。七月六日。馮國璋。宣告就職。段氏卽於是日。爲第二次之組閣。在津設立國務院。辦公處。以爲行政之臨時機關。其時北京有宣統皇帝。南京有馮代總統。而段氏蜂腰其間。爲恢復共和之重心。其時附黎者。見大錯之鑄成。已如羣龍之無首。附段者。方鷹揚麟振。舍其舊而新。是謀段祺瑞於七月十三日入京。一面力持都門治

安一面規復舊制天津辦公處諸人越日一律移至京師從事部署至十七日段氏二次組閣已就緒顧未有元首命令無以爲成立之徵徐樹錚乃造謁黎元洪曰張康謀逆國體動搖合肥以在野之人與師討逆摧枯拉朽成再造之功公將何以待之元洪曰吾不能弭患事前以致變生肘腋尸位之咎吾何自辭今方辭職河間就任行將入都信賞必罰當俟河間今日吾無權處置國事也樹錚無辭而退還以明令發表段內閣成立其時舊國會既解散更不費手續也段氏重執政柄乃通緝復辟要犯康有爲等被逮之張鎮芳則下之於獄一面電催馮國璋蒞京至八月一日馮氏始入都則以李純督江蘇陳光遠督江西李陳皆馮所舉也八月十四日段內閣布告對德宣戰從前之被沮於國會者至是乃得貫徹其主張同日收回天津漢口兩處之德奧租界定爲特別區域派中國軍警管理此段氏對外之政策也財政方面則由財政部訂借日款一十萬元九月又由交通銀行訂借日款二十萬元遂改正中日吉林長春之鐵路契約以爲借款之酬報所謂吉長路約也蓋段氏二次登臺國會議員紛紛赴粵兩廣旣宣告自主湘省又發生戰事段故急借外債以爲平南軍費未幾而有湘南之變

(30) 段氏之平湘計畫

自黎元洪免祺瑞之職而浙皖宣布獨立自張勳入京魯黎氏解散國會而兩廣宣告自主皆與段有直接之關係而南北之分裂實肇於此浙之楊皖之倪皆助段最力者故段氏罷職則獨立以迫黎被逐之孫洪伊與國會之議員皆銜段最深者故被黜於北則羣趨南方而自主此南北紛擾之大較也迨復辟實現段馮攜手以討逆黎氏去位國璋繼任段以規復共和之功重專國政實行倒黎之目的已達在北方正慶再造之功在南方則愈作反抗之氣其實馮國璋之首鼠兩端蓋致亂之媒也馮當宣告代理總統後遲遲吾行密爲自固藩籬之計舉李純自代以督江蘇聯絡長江形勢以爲干城之寄又畏段祺瑞之剛毅專斷一日隻身入圍城恐爲段所制故於抵京時隨帶十五師爲拱衛軍十五師者馮之嫡派師旅專藉以禦段者也段氏初弗知徐樹錚等又以力仆張勳之功專恣驕肆有甚於黎黃陂時者國璋弗能堪力謀所以排段者段祺瑞命傅良佐督湘馮實沮之蓋良佐本湘人又爲北洋學生段氏爪牙之一也良佐至湘范國璋王汝賢與佐暗爭湘督范王爲馮系與傅爭不啻與段爭也段之使傅欲其保持湘省爲平粵平桂之大本營不意傅氏甫至零陵鎮守

使劉建藩突宣告獨立以抗良佐抗良佐即所以抗段氏也然其時良佐倘有實力零陵之變不難以武力平之無如傅氏麾下僅有少數之衛隊戰鬪之事專恃范國璋與王汝賢二人皆附馮者寧肯爲段派出力迫湘南之風雲日惡傅良佐遂爲范王所扼左支右絀不能指揮十一月十四日粵桂兩軍會師攻湘奪寶慶占衡山而王汝賢等匪惟不助良佐却敵且陰受馮國璋意指於前敵電請停戰以迫良佐良佐棄湘督而遁於是段祺瑞之平南計畫遭一大打擊立即辭職段內閣遂倒此馮段傾軋之內幕亦段派第一次失敗之原因也

(31) 王士珍之代段組閣

良佐逃長沙陷段祺瑞之武力平南政策竟大失敗遂辭國務總理而代以王士珍士珍直隸人爲直派先進其在前清時騰達又先於祺瑞學識資格當在段氏之右其人亦和平謹慎馮國璋對於南方口頭以和平爲標幟與段氏之武力主義明示反對此時湘南一敗段已不能主戰以是去位馮則乞王氏組閣以王爲直人與已有鄉誼之關係其資望既可以抵制皖派其人和平又可以見好南方表示其調和之宗旨此皆馮氏對於祺瑞之陰謀也王士珍既署總理湯化龍梁啟超林長民張國淦等皆連帶辭職於是任陸徵祥爲外交錢

能訓爲內務。王克敏爲財政。江庸司法。劉冠雄海軍。田文烈農商。曹汝霖交通。蔭昌參謀。而王內閣。遂成立。段王交替之初。陳復初在常德。宣布獨立。而湘省之王汝賢。忽退出湖南。一任南軍之攻取。由是湘粵桂三省聯軍。長驅直入。占領長沙。湘境全陷。而直隸江蘇江西湖北四省督軍。又承馮氏之旨。聯銜電請停戰。爲與南方謀和之先聲。蓋此時馮國璋主和。段祺瑞主戰。四督之請停戰。卽表示反對段之主戰也。段於是遂辭陸軍總長職。完全與馮政府脫離關係。此民國六年十一月事也。

段既下野。馮派竭力籠落南方。作調和之表示。而荊州之石星川。隨縣之王安瀾。黃州之謝超。紛紛宣告自主。雖不久卽敗走。而馮之謀和政策。頗受影響。既而倪嗣冲。張懷芝等會曹錕於天津。對於西南一律主張開戰。以恢復段氏之政策。所謂天津會議也。倪嗣冲爲皖人。與段氏既有密切之關係。張懷芝素嫉民黨。與段之主戰政見。適合故親附段氏。力說曹錕討伐南方。曹爲倪張所動。遂又主戰。予時在津門。謂曹錕實大人虎變。蓋錕夙領虎威軍。而忽與長江三督聯名停戰。忽與嗣冲懷芝聯合主戰。計其時不過一月耳。曹張倪既主戰。段派又活動。未幾馮任段祺瑞爲參戰督辦。而以段芝貴爲陸軍總長。馮國璋於此時既知

與南方謀和不能成事實當時特爲抵制段派計故作此說耳然段氏主戰馮又不願其成功今曹錕倪嗣冲等既主用兵不如怙從其意合直皖兩系爲一氣以鞏固己身之勢力故借出巡爲名親赴長江流域欲聯絡各督軍助己一致進行不意甫至蚌埠倪嗣冲卽要求起段爲交換條件馮大窘而當時既迫於倪之勢力不能不允遂匆匆回京頒罪己之令王汝賢范國璋等皆褫奪勳位勳章以治其湘南失敗之罪而以傅良佐周肇祥交軍法會訊傅以恃段氏抗不到案馮亦無如何也

七年二月五日馮國璋頒令罪己以示主戰之決心十二日曹錕張敬堯率師入鄂敬堯本段系要人曹錕雖屬直派而此時從倪張之請身爲戎首則段氏之主戰政策表面上已復活既而張懷芝亦率師赴贛一致作戰其時征南軍分兩路進行曹錕軍爲第一路向長沙懷芝爲第二路由南昌進發分道攻湘曹錕至則力督王汝賢等進取爲段祺瑞雪枋頭之恥三月十七日北軍攻克岳州南軍退張作霖受徐樹錚之運動突領奉軍入關截奪贛自日本之軍械於秦皇島徐樹錚則自稱奉軍副司令率兵分駐於獨流廊房灤州等處以逼馮氏馮大恐知非起段祺瑞不能解圍及曹張已復岳州越五日遂復任段爲內閣總理

(32) 段氏第三次之組閣

曹張南下實行再戰。其動機起於倪嗣冲張懷芝之天津會議。而內幕之運動者實爲段氏門人徐樹錚。徐佐段鼓吹主戰。戰而手無寸鐵。處處依賴他人。始則奔走於徐州蚌埠之間。要結倪氏作中流之砥柱。既往奉天游說張作霖以副總統爲條件。作霖初不之答。旋得東海之援助。作霖遂一意助段。則刦械稱兵作示威之行動。徐樹錚又與楊宇霆翁之麟等組織奉軍司令部分駐奉軍於近畿。外託征湘之名。內拊河間之背。馮此時惕於肘腋之危。不得不請段氏組閣以釋隱患。遂於三月二十三日任段氏爲總理。而奉軍之一部亦開往湖南以示解圍之意。二十九日仍任命陸徵祥長外交。錢能訓長內務。海陸軍農商亦仍舊交。通兼財政曹汝霖。司法朱深。而第三次段內閣完全成立。越三日北軍克復長沙。二十日段祺瑞親自赴鄂。復由漢口順流而下抵南京。沿江審察情勢。謀戰事之進行。其時段既重握政柄。壹志謀武力之解決。故躬歷南方。指揮大計。然平南主義始終不能貫徹。而湘省暗潮迄今猶不能寧靜者。蓋有兩大原因焉。其一張懷芝之失敗。懷芝之附段自告奮勇以平湘爲己任。統率炮步兵二十營駐紮樟樹鎮。力圖進趨。而中途忽患病退至漢口。養痾軍心一懈。

商軍得蹈瑕乘隙利用間諜由攸縣進兵直撲醴陵懷芝全軍潰散倉皇北返此戰事之一大挫折也其二曹錕南下時實受馮氏之意旨約戰事以湘省爲限長沙一得卽爲止境致造成不戰不和之局不寧惟是當日陳光遠之效命王汝賢范國璋之力戰克岳州復長沙皆屬馮派之活動並非爲段氏致命疆場段派之張敬堯不過藉以蜂腰其間爲敷衍段氏面子計耳故敬堯一日在湘湘之風潮必不能慶安瀾也明眼人必不以予言爲河漢矣段祺瑞主戰之成績既如上所述其三次組閣之政績惟借得大多數之日債耳蓋既用兵不得不籌餉曹錕等日索軍需道路相望有如女德之無極於是徐樹錚爲段氏借箸而籌利用曹汝霖陸宗輿等壹志親日借貸日金計其二次組閣時爲吾人所知者已有財交兩部之三千萬元此次段氏自鄂寧歸來則先借日本電信借款二千萬元翌日又訂順濟鐵路借款二千萬元六月借吉會鐵路日款一千萬元七月三日訂借吉黑林礦三千萬元越兩日又訂借善後借款一千萬元九月又訂簽中日滿蒙四路及高徐順濟兩路約借日款各二千萬元四月之中所借日款之鉅已如上誌之數此皆孳孳可記者而英美外債尙不在內十九皆供武人與政黨之需索耳國民試一思之其負擔爲何如也

(33) 馮段之交惡

段祺瑞馮國璋皆北洋系之領袖。平昔既雅有同胞之誼。晚近又同執民國之政。宜其沆瀣一氣。有左提右挈之好。奈何明爭暗鬪。相尋無已。致演成民國之惡氛。潮流所激。寔成禍水。至於今日。國與民交受其困。此亦邦內之不幸也。國人欲知近年變故之頻。仍不可不知馮段爭鬪之內幕。而欲知馮段分裂之原因。當先明北洋系之從來。北洋系之結合。始於李鴻章。而成於袁世凱。鴻章督直二十餘年。當時雖無團體之名。已蓄成北洋之勢力。袁世凱繼李鴻章之後。總攝北洋。其練兵小站時。多以北洋武備學生爲軍官。段祺瑞爲皖派領袖。王士珍馮國璋爲直派領袖。然當時籍貫雖殊。初無門戶之見。皆隸於袁氏之下。而統稱爲北洋派。辛亥之役。段與馮同受清命。統軍南下。而馮則力戰。民軍焚漢口。受男爵。段則聯合諸將。發通電。促清帝退位。以贊成共和。號召天下。二人行事已不同趨矣。民國成立。袁氏以北洋系之盟主爲第一任總統。馮段皆奔走效命。同襄內政。其時北洋團體最爲融洽。迨袁氏稱帝。而北洋派內部始分裂。時則馮在外。段在內。同以反對帝制聞。二人尙無惡感也。袁死。黎繼段氏當國。事事已負責任。以實行內閣制之政權。當時之段祺瑞以爲倒袁者惟己之。

力故對於徐世昌王士珍等尙有不可一世之概而況於黎元洪馮國璋國璋此時已漸滋不悅於是黎段交惡於內而國璋則聯絡長江各督擴充其勢力於外近結張勳遠通武鳴以爲自樹之計而祺瑞不置意也段祺瑞雖贊成共和而不接近民黨民黨不得志於段乃轉而趨馮則選馮爲副總統而段無如何也旋孫洪伊被逐益仇段氏南投國璋挑撥雙方之惡感而馮段漸水火矣

復辟難作段祺瑞誓師馬廠逐張勳復京師邀馮氏入都代理總統馮鑒於黃陂之受制知段派之必不與己故於北上之先通款於陸榮廷岑春煊等以酷愛和平爲辭要結南人以爲外援又舉李純自代以陳光遠代李督贛二人皆以後進坐筭封疆感馮氏之知遇爲長江三督之聯盟以爲內援馮氏乃命劉詢親率所部入京拱衛然後就職凡此部署皆以防段而徐樹錚等方詡討逆之功驕恣專擅旁若無人適祺瑞欲以傅良佐督湘而馮陰嗾范玉停戰湘南失守良佐潛逃馮段之事是爲實現之第一次段氏倒閣代以王士珍王固直人馮以直派關係請其組閣以制皖派而對於西南則藉孫洪伊之鼓吹以通聲氣對於贛鄂則憑陸建章之溝通以資團結此時馮派之組織頗稱完備徐樹錚乃別開生面運動奉

軍之張作霖稱兵入關以嚇馮氏復邀倪嗣冲聯合曹錕主張作戰以破直派之團體曹錕直人馮知勢力不敵則親自南下欲合羣力以制段而首抵蚌埠卽爲倪嗣冲所窘要求起段馮氏遭此頂門一針廢然而返不得已下令罪己宣告與西南開戰治傅良佐之罪奪范王之勳章以示決心而良佐又訴於段氏陳范王掣肘情狀更上書參陸兩部爲己申辯中多攻訐馮氏語宜諸報章予馮以難堪馮方起段組閣以解奉軍之圍忍受而已徐世昌謂祺瑞曰良佐此舉益增惡感子奈何弗之禁段無以對也

曹張南下湘省規復段祺瑞三次組閣更以段派之張敬堯督湘自表面視之似直皖兩派之爭鬪已漸趨於平靜其實不然馮既不欲段氏之主戰策成功故於曹錕南行時密約以恢復湘省爲止長沙既克曹卽藉詞北返坐索餉需以困段氏之財力廣東復於此時組織軍政府爲進步之對抗段派知南方之必不可平則移其用兵之資組織新國會另選總統爲根本倒馮之計畫馮氏則恐段之當選乃宣言己意實主和平以南北戰禍釁由段氏通告國人以沮合肥之當選一面則有李純吳佩孚馮玉祥等之通電主和以結好西南而廣東軍府會議復聲言馮氏代任爲合法凡此種種之披露實爲馮段之競鬪徐樹錚梁士詒

等初欲舉段爲總統者。至是以形勢之險惡推戴徐東海以息爭。競徐亦以禍患相尋。國將不國。故願以息事人爲己任。遂膺選而出。由是馮段同時下野。暗潮暫息。

(34) 段氏之下野

段祺瑞二次組閣。卽令各省選派參議員到京會議。未幾臨時參議院成立。此爲新國會之權輿。段氏之意以爲舊國會之解散。乃張勳迫黎元洪爲之。與己無涉也。討逆成功。共和復活。七月十三以後之政府。乃己所手創。則欲以新造之政府建新組之議會。與氏更始。作澄清四字之圖。此段氏理想之未來國家也。徐樹錚等既主張經營力征制服南方。復招徠政客。力謀新建。對於代理之河間。特假以過渡。云爾。馮既犧牲。撫任擁兵北上。區區之忱。實希扶正。故遠交桂粵。近攜贛鄂。厲兵秣馬。與段派樹對壘之。麾湘南之變。爲馮派最活動之時期。徐樹錚乃筆路縷。籃啟遼東之徑。張作霖初不爲動。藉東海之斡旋。投袂助段。於是奉軍入關。倪張請纓。虎威南下。戰機復活。而段氏重登揆席。於是外則要結張倪。以奉皖爲後援。內則組織安福爲選舉之籌備。小徐等之意。原欲奉合肥爲總統。予胡帥以副座。根本取消馮氏之地位。馮氏雖竭力抵禦。無如安福黨人。乃段派所卵翼。無何如何也。七年七月十三。

日召集新國會。越一月。新國會開會。小徐等初欲依原定之計畫進行。而天津督軍三次會議馮國璋通電全國。宣示和平。前敵賞犒既久。靳而不發。湘閩兵變。又風雲之日惡。段氏遂不願上臺。作霖又爲曹錕所沮。於是梁士詒、王揖唐、徐樹錚等秘密會議。主張舉徐至發表意見。時謂當今人物。足膺元首者。不過東海、河間、合肥三人。然河間、合肥亦一致推崇東海。故本派選舉總統。當以東海爲最適宜。云云。及投票全體通過。此九月四日事也。當是時。南北之紛爭方興。而段馮之惡感日滋。得東海出而主持。雖未能即時已亂。而北方團體可免於瓦解。此徐氏被選之原因也。馮國璋於十月七日通告辭職。雙十節東海就任。段祺瑞卽辭總理。以錢能訓繼任。段氏屢次宣言。願與馮同時下野。故徐氏登臺。段卽履行前語。蓋復辟之亂。段實勤之馮之代理。段實翊之。乃竟以此啟傾軋之機。馮不下野。段亦不甘獨去也。至是而合肥之歷史乃告一段落。南北乖離。四方多難。斯人其終出乎。



段祺瑞

下編 段系之人物

一 軍閥

段祺瑞軍人也。其在遜清爲教練，爲統制，爲提督，爲軍統，所歷官事不出軍界範圍。至民國肇始，爲陸軍總長，爲湖北都督，亦仍司軍旅之樞機。雖屢次組閣，任首揆者有年，然仍以總理兼領陸軍，或專任參戰處督辦，固未嘗一日脫離軍籍也。故其僚屬十九皆爲軍人。與起家科甲多年誼門第二交者，情形不同。此爲吾人所公認者也。且段氏者，北洋系之軍閥也。早年既從世凱練兵小站，凡新軍之編製，軍官之陶冶，出自段氏者居多。故純粹爲北洋新軍之人物，雖籍隸合肥，而與李鴻章等之淮軍將屬北洋官僚分道揚鑣者，也以彼資望之深，執政之專，幕中麾下宜有人才濟濟之雅。顧自北洋團體分裂以來，已有門戶之見，益以馮段交惡，直皖兩派，寢成水火。左袒右袒，各依標幟，所與段氏同休戚者，已有才難之慨矣。茲爲略述如左。君子觀人，必以其類，聊附斯義。閱者當不以爲附會。

焉。

段祺瑞

二

(1) 靳雲鵬

靳雲鵬山東人。字翼青。北洋武備學生。器宇激昂。胸襟逕直。偉然有丈夫之目。段祺瑞一見之。感旋從。李經羲至雲南授軍事。參議武昌起義。滇南響應。蔡鐸主革命。經羲時督雲南。僞辭易服而遁。雲鵬亦偕警官張某逃歸。袁世凱爲總統。靳任公府顧問。時山東盜匪昌熾。畿輔之地。時有草木之警。袁以靳氏籍山東。令率第五師鎮魯。旣而晉山東都督。其爲項城倚重如此。迨帝制發生。段祺瑞反對甚力。雲鵬壹志嚮段。不附稱帝之謀。袁氏嫉之。則罷祺瑞。靳亦求去。而袁猶猜防。備至稍附。馮國璋以自衛。洪憲泡影。段氏組閣。靳又入參戎幕。主張對德絕交。最力。段故以爲參戰處主任。並陸軍總長。靳氏雖忠於祺瑞。願與徐樹錚殊不洽。而祺瑞方深信樹錚。惟錚言是聽。靳愈弗懌。時遷怒安福黨。至面斥龔心湛。以洩憤。龔安福之翹楚。其時方長財政也。馮段暗爭。直皖水火。惟靳則陰任調停。對於河間尙無甚惡感。東海就職。仍任陸軍。旋又出組內閣。儼爲段氏之替身。惟與安福系終難融洽。閣員支配。歷久。

未決以其結合外援且爲東海所信任故斬內閣之標幟尙能飄揚一時耳

(2) 徐樹錚

年來黨派之紛擾南北之乖戾外債之叢脞強鄰之壓迫而陷祺瑞於旋渦者皆樹錚爲之階也樹錚以文武兼資自詡欲以從橫捭闔之術執長鞭而控宇內然文不能促內政之進行武不能制西南之反動徒賴日本爲飲鴆止渴之計徐字又錚銅山人爲祺瑞入室弟子卒業於日本士官學校故事事不忘日本洪憲以前無所表見袁氏稱帝徐勸段反對最力段遂下野西南舉義討袁徐時爲段畫策陰掣兵機故統率辦事處日促曹錕張敬堯進兵而前敵之形勢日益迂緩既而又嗾陳樹藩逐陸建章以陝西獨立皆樹錚之謀也袁既倒段氏組織第一次責任內閣徐乃以院秘書長兼領陸軍次長漸露頭角遂有府院之衝突其結果段氏倒閣黃陂去任並召復辟之亂河間繼任段再組閣對外以借債爲奇猷對內以用武爲政策亦樹錚之畫籌也其結果湘南失陷傅周潛逃而段內閣又倒樹錚乃南結蚌督東說胡帥奉軍入關曹張南下以成段氏三次組閣之功則益恃曹汝霖等向日本借得數萬萬之外債以爲贖武結黨之資而搗亂之安福系於是成立初欲擁段氏爲元首而

已則首揆旋以馮派之攻擊甚烈西南之風雲日緊乃乞東海出任總統而合肥河間同時下野王克敏笑其費無數之精神財力博得爲人作嫁殊不值也東海就職又破壞南北和議使王揖唐南下旋自知不能得志於中樞則自率師旅耀武塞外而爲邊防使之活動後又以外蒙之取消獨立據爲己功當有殊勳之褒錄今而後或覲便以攘政柄或擁兵以逞多願慶父不去魯難未已也

(3) 倪嗣冲

自軍閥有皖直之爭而北洋團體遂告破裂皖系以段祺瑞爲首領而皖系最有勢力之嫡派無過倪嗣冲倪誠段之中流砥柱也湘省失陷傅周潛逃段氏倒閣此時若無倪嗣冲之天津會議啟曹張南下之旌則皖派勢力或幾乎息矣嗣冲字丹宸穎州人早年參北洋營務頗著殘酷之名旋擢黑龍江民政使以貪黷爲錫良所黜褫職拘禁光復後從項城復起出鎮皖豫交界地二次革民勤於袁氏遂長安徽徐州會議倪實爲中堅人物及段氏免職則宣告獨立奉張勳入京以倒黎而復辟之變又賣張而助段竟攫得安徽督軍並長江巡閱使皆張勳之遺也馮段內訌馮則假犒軍南下欲聯倪以禦段而嗣冲首要起用段氏聲

色俱厲。予馮氏當頭一棒。段遂三次組閣。內外兼營。以保持今日之威信。倪誠功首其他事跡。爲人盡知。不復述。

(4) 張懷芝

張懷芝。字子志。河南人。亦北洋武備學生。清季爲陸軍統制。辛亥革命。各省響應。山東奉天皆岌岌可危。而天津始終未決裂者。懷芝之力居多。懷芝素嫉民黨。時爲天津鎮總兵。伶人王鍾聲頗通革黨。思於天津獨樹一幟。爲懷芝所殺。既而清室退位。袁氏欲其仍衛近畿。堅辭不就。而項城遇之甚厚。仍令起爲山東將軍。以北洋同胞關係。與段祺瑞交甚篤。湘南之變。馮段水火。段以主戰失敗。辭職而懷芝投袂請纓。與倪嗣冲同說曹錕。率師南下。然以中途患病。爲南軍所乘。全軍覆沒。既歸。遂辭山東督軍領參謀總長。懷芝粗獷而心地尙質。實以反對南方。故附段氏。非有門戶之見也。

(5) 段芝貴

段芝貴。字青岩。與祺瑞同鄉。少肄業武備學堂。丁酉從袁世凱於小站。又與祺瑞同隸項城。麾下以購女伶楊翠喜。納諸蔽。振遂受彈劾。終清之世。不復露頭角。辛亥之役。項城復起。芝

實力說其推翻滿清則密遣祺瑞電逼宣統退位袁既執政以心腹倚之黎元洪晉京祺瑞出督武昌不三月卽以芝貴代之旋調奉天將軍爲張作霖所逐鬱鬱乞退復辟禍作曾從祺瑞討張勳力附合肥得勳位復任陸軍總長馮段之爭芝貴頗以調人自任然殊無效及東海就任內閣再更芝貴既不見重於當時遂辭職嗣又爲京師衛戍總司令

(6) 龍濟光

龍濟光雲南土司也前清時受知岑春煊屢擢至兵備道旋升廣西提督所部以強悍著所向有功入民國爲廣西都督袁氏稱帝頗慮陸榮廷反對封濟光爲郡王以示殊寵故龍氏附帝制甚堅旋爲陸榮廷所運動有意反正以嫉視民黨故始終附北段氏執政授龍爲鎮務督辦及南北再爭龍附段尤力祺瑞竟罷榮廷職以龍爲巡閱使而屢戰之餘所部皆疲茶之衆不能樹立遂北上乞援而巢穴已爲南軍所占不復返矣近尙居留析津狀至潦倒段派雖時復存顧餉以好言然已無能爲役矣字紫宸

(7) 張敬堯

民國以來凡南方有戰爭其統兵對壘者曹錕以外惟張敬堯爲最著然曹錕爲直派頗附

河間而敬堯則夙奉祺瑞袁氏稱帝滇川起義張敬堯與曹錕同率師征川當是時段氏反對帝制甚力敬堯則承段旨頓兵瀘州不奉統率辦事處之命袁氏頻以爵賞餌之仍不爲動且電請起段其後馮段交惡范王倒戈良佐宵遁張敬堯又偕曹錕征湘然克岳州復長沙皆馮派之活動敬堯特承其乏耳湘省既復段已三次組閣遂以敬堯督湘馮派既嫉其攘功南方又以其附段多醜詆之辭至今猶暗潮未靖也

(8) 陳樹藩

處秦隴要塞之地與南軍竭力倒撐始終擁戴段氏者則陳樹藩其人也樹藩亦出段氏門下與徐樹錚善錚亦倚爲右臂項城稱帝陸建章時爲陝西將軍陳樹藩方鎮守漢南建章政以賄成而樹藩獨弗賂事建章則稍稍撤易其部下陳大恚於是交惡段氏以反對帝制被斥而建章方力趨袁克定以求遷擢徐樹錚知陳與陸有宿怨陰以段氏意指嗾樹藩逐建章而許其督陝藩大喜則樹幟趨建章遂圍西安陸偕其子易服而遁有人告陸樹藩之叛實段氏所使陸於是銜段刺骨頻年挑撥南北務倒段而後快故爲又錚所殺而樹藩則督陝如故今則與南方畫疆而治儼然司西門之管焉

(9) 楊善德

楊氏懷寧人字樹棠與商德全同爲北洋武備生負時譽清季爲浙江統領辛亥光復逃去夙受知於祺瑞祺瑞長陸軍部援引尤力使爲松江鎮守使以防江浙旋繼鄭汝成守上海兼轄松防稱松滬護軍使滬上爲全國之重鎮而段氏倚之若長城及洪憲無祿浙軍內訌呂公望被逐祺瑞力薦爲浙江督軍卒破浙人治浙之習而北軍勢力遂延長至之江甌海之間黎段交惡黃陂逕免段職楊善德首先獨立而淮徐皖魯之間軒然大波接踵而起詠免置之詩楊固合肥麾下干城腹心之選也

(10) 盧永祥

楊善德死於浙督任所繼之者爲盧永祥盧蓋善德第二也山東濟陽人字子嘉亦段氏麾下之健將北洋武備學生也前清時爲第三鎮統領曾從曹錕旋擢爲第十師師長洪憲時曾膺子爵對於帝制初無表示既而有肇和兵輪之變奉令防滬爲松滬護軍副使遂與楊善德親善從楊氏壹志附段迨祺瑞使楊督浙永祥遂繼楊守滬而成滬浙聯防之勢當是時長江三督頗附馮而盧楊則附段隱然拊李陳之背固段氏之功臣也善德獨立盧亦贊

應。故。楊。死。卽。繼。任。浙。督。並。兼。領。松。滬。軍。事。年。來。南。北。交。鬪。恆。集。中。於。段。氏。而。浙。滬。之。間。七。覽。不。驚。者。盧。有。力。焉。

(11) 李厚基

厚。基。銅。山。人。北。洋。武。備。學。生。或。謂。其。曾。爲。袁。世。凱。侍。弁。蟲。疏。不。學。尤。甚。於。楊。善。德。所。部。皆。淮。徐。人。其。閩。里。諸。無。賴。也。好。事。剽。掠。不。守。節。制。入。民。國。以。師。長。防。閩。擢。護。軍。使。繼。任。督。軍。初。入。閩。時。勢。焰。甚。張。頻。與。閩。人。齟。齬。故。報。紙。攻。擊。甚。力。自。洪。憲。失。敗。氣。始。少。餒。祺。瑞。用。兵。南。方。李。亦。主。戰。甚。力。故。爲。南。軍。所。深。惡。必。欲。鋤。而。去。之。旋。賴。浙。軍。力。方。轉。危。爲。安。突。由。呂。公。望。說。浙。軍。倒。戈。自。是。北。軍。大。敗。南。軍。滋。逼。李。益。索。然。氣。盡。乃。先。送。其。眷。口。行。自。赴。廈。督。師。人。竟。誣。其。潛。逃。未。幾。軍。政。府。另。簡。林。葆。懌。爲。閩。督。厚。基。大。懼。乃。激。所。部。誓。死。拒。守。所。恃。以。備。緩。急。者。僅。臧。致。平。一。旅。然。致。平。頗。輕。厚。基。謂。其。調。度。無。方。苟。非。議。和。停。戰。恐。厚。基。不。能。安。於。其。位。也。

(12) 傅良佐

傅。良。佐。湘。人。也。以。久。官。近。畿。故。得。爲。段。氏。弟。子。字。清。節。卒。業。於。日。本。土。官。學。校。祺。瑞。長。陸。軍。傳。常。爲。陸。軍。次。長。與。徐。樹。錚。爲。刎。頸。交。以。言。論。聲。氣。互。相。倡。和。段。氏。時。以。小。徐。爲。腹。心。良。佐。

亦在摩頂放踵之列。湘南不靖，小徐力薦於祺瑞，使良佐以湘人治湘。良佐嘗謂制服南方，當以迅雷飛電出之。小徐擊節稱道，段氏遂令督湘。至則立黜零陵鎮守使劉建藩，以其有通敵嫌疑也。劉果獨立湘南戰事，以起王汝賢、范國璋受馮氏及李純密意，突於前敵電請停戰返戈。逼良佐，佐大驚，偕省長周肇慶、齊遁。段氏以此倒閣後，雖付軍事懲戒，而抗不到案。復上書攻訐河間，或曰承段氏指也。

(13) 吳光新

吳光新本陸軍學生，與祺瑞同鄉，而又有姻婭之誼，故得段氏之信任，與又錚相伯仲。並有才士之目，然其學行優湛，不若小徐之好逞智以亂大謀，而其名亦轉不若又錚之著。夙受知於項城，曾任師長，帝制發生，光新頗承祺瑞旨，心存抗拒，以持重慎密，袁竟弗疑。黃陂繼任，與祺瑞積不相能，段去任皖浙，獨立光新復受祺瑞旨，力衛湘境，既而授援川總司令，率師入蜀治軍，有律於民，秋毫無犯。至今蜀人猶稱之。雖一意奉段而行事穩健，以視張敬堯、傅良佐，蓋不可同年話矣。最近移師豫境，欲逐趙倜，以代之卒，以各方疏解，未能如願，而部兵又譁變，頗爲時論所不直。

(14) 田中玉

田氏風度修整兼通文學北洋武備生之翹楚也前清時歷任廣東奉天江蘇等省軍官袁政府時爲兗州鎮守使與段氏素洽故曾任陸軍次長旋授察哈爾都統其人頗勤學討論戰術以言論風采負一時之譽段氏既重其爲人曾薦爲吉林督軍爲孟恩遠所拒未能蒞任嗣爲山東督軍而升任陸軍總長之呼聲又時觸耳鼓矣

(15) 王士珍

王士珍段祺瑞同爲北洋武備學生之人傑前清時王之官階聲譽實騰祺瑞之上在北洋系中有王龍段虎之稱馮則狗也字聘卿直隸正定人雖隸直籍雅無門戶之見人則推爲直派領袖耳初與段氏同從項城治兵小站旋晉統制出任江北提督與祺瑞爲前後任改軍後段則治軍樞要而王氏堅臥不出袁段齟齬克定欲奪段之兵柄思惟士珍資望足以服段堅請出山長跪以要然後起遂代段爲陸軍總長然不能助救帝制也黎馮之際亦曾代段氏爲總理段以湘事辭職馮尤以直派關係倚賴甚殷然王氏雖主和平與馮之黨同伐異者不同其行事不尙陰謀暮氣已深故小徐作霖弄兵近畿王卽乞退仍由段氏組閣

士珍私德甚醇。居官之廉潔尤爲近世所罕。觀少時志氣發揚有不可一世之概。以數經憂患破觚爲圓。然終不失爲君子人也。

(16) 曹 錕

曹錕爲直派。弁冕與馮河間有密切關係。繼又收入段氏之列者。以湘南之役曾助祺瑞爲政也。當是時馮主和。段主戰。借南方爲名以行傾軋之實。徐世昌時在天津。曹錕以事往見世昌。責之曰：芝泉太自信而華甫亦不應陰嗾范王倒戈失湘。而君等復迎拒其間。從此北洋團體分裂。子亦有責焉。錕感徐氏之言。遂與段派攜手南行。恢復湘省。以示補過。段氏復出組閣。以張敬堯督湘。皆曹錕之力。然終踐河間密約湘境。既復錕卽北上。任爲四省經略使。坐鎮保定。東海任總統後。曹錕爲服事東海之最摯者。故周旋於馮段之間。以聯絡皖直之統系。惟近又聯絡奉張以制安福系。遂有八省同盟之風傳。其內幕未易揭示也。字仲珊。天津人。亦陸軍學生。

(17) 張作霖

張作霖與皖直兩派皆無關係。不在北洋統系之例。席愛新覺羅之故國。獨立塞外。初與祺

瑞不生。關係馮段。交惡。皖派不競。徐樹錚卑辭厚禮以結作霖。始出而助段。蓋副總統之榮利有以動之也。字雨亭。遼陽人。綠林之豪也。張錫鑾任奉天營務。納其降。留營效力。捕盜數有功。擢屢至巡防統領。辛亥冬。藍天蔚謀獨立。奉天爲作霖所逐。軍權遂入張手。民國復爲師長。帝制議起。世凱頗思利用之。竟代段。芝貴爲督軍。兼省長。職丁巳。湘南戰起。祺瑞失敗。樹錚說其劫械稱兵以逼馮氏。國璋大窘。復任段氏組閣。作霖則強政府授己爲東三省巡閱使。又錚組織安福部。亦受其約束。衆院副議長劉恩格卽張之鄉親也。段派旣倚爲長城。則軍事財政一意逕行。國家法令作霖視之蔑如也。袁氏繼之於前。而段派又奉之於後。故其強梁遂不可一世云。最近又有離皖趨直之表示。此於兩派勢力之消長實有莫大之關係也。

(18) 姜桂題

姜桂題字漢卿。亳人。早歲從李鴻章征髮捻。有功。充淮軍統領。當光緒間。名與黃仕林等尙居葉志超衛汝貴之後。駐防旅順口。甲午之役。棄旅逃潰。遂褫職。庚子後。復原官。往附馬玉崑。其名漸顯。玉崑卒。項城欲籠絡淮軍。舊將故力薦於清廷。繼玉崑爲直隸提督。旋奉所部。

南下駐防浦口。未幾代以張勳入民國。仍統淮軍。鎮畿甸。嗣授熱河都統。袁氏稱帝。領銜勸進。封公爵。晉上將軍。滇黔起義。會通電自請南征。袁以其衰耄不聽行。至今仍鎮滎陽。年已逾八十。淮軍宿將。僅此碩果而已。祺瑞等以其爲鄉先輩。均奉以殊禮。性廉潔。不若馬玉崑衛汝貴之嗜財侵饜。故治軍數十年。在皖北軍人中。尚不得稱鉅富。近以倪嗣冲久病不起。時有移任皖督之說。可見中央倚畀方殷也。

(19) 劉冠雄

冠雄籍閩。船政學生。復留學歐洲。歸供職北洋艦隊。在清代名位與程璧光鄭汝成等。而在薩鎮冰之次。然素爲項城所倚信。改革後。遂長海軍。二次革命作指揮艦隊助戰。贛皖所向有功。晉勳一位。自是袁寵益專。洪憲改元。聯海軍界勸進。封公爵。帝制失敗。祺瑞組閣。冠雄去位。代以程璧光。黎段齟齬。國會解散。璧光率艦隊南下。宣告護法。段氏二次組閣。仍任冠雄長海軍。其在政府。惟阿權貴。意行事。雖爲議員。所彈劾。報紙所譏評。而戀棧無去意。後忽以去就爭收沒敵艦。人皆異之。靳氏執政。始提出辭表。旋又奉命赴閩。調查軍事。然民國以來。閣員鮮能久任。獨冠雄長海軍。先後幾及八載。亦足自豪矣。

(20) 蔭昌

蔭昌。旗人。與段祺瑞同留學德意志。歸國後。騰上在祺瑞先。曾隨載灃。至德謝罪。旋擢侍郎。宣統朝。爲陸軍部尙書。辛亥之役。段祺瑞爲軍統。與馮國璋同奉命南征。蔭昌實帥之。昌故。惟怯。將士皆無戰志。自知不勝。密疏請起袁世凱於彰德。己仍回京。民國後。屢任公府侍從。長官段祺瑞。反對帝制。袁氏設海陸軍統。率辦事處。以奪段氏之權。令蔭昌爲處長。昌遂一意奉袁。勸進。嘗居首。馮氏代任時。曾一度爲參謀總長。張懷芝其後任也。昌貌不揚。而依阿無主。故入民國後。名轉晦。

(21) 劉存厚

劉存厚。字積之。四川人。亦日本士官。畢業。生袁氏盜國。蔡鍔起義。雲南存厚亦反正。戰北軍。甚力。與祺瑞樹錚。交相結納。及段氏當國。欲界以四川督軍。雖爲梁啟超所阻。然祺瑞親遺書慰之。屬其安心供職。未幾卽代周道剛督川。而熊克武管金聚。頗攻訐之。不得已退之綿州。存厚少負大志。治軍有方。賞罰嚴明。操行廉潔。其附段氏。實以政見之相同。徐樹錚初思利用之。殊未審其爲人也。與鍾體道爲患。難交。近忽有齟齬之耗。則知人誠不易也。

(22) 周道剛

周氏留學日本爲士官畢業生清季曾任統帶民國後擢師長洪憲之禍滇川反應剛曾遙附祺瑞反對帝制復以湯化龍之薦段遂任爲四川督軍而吳光新獨不受節制旋讓諸劉存厚道剛附中央甚誠學識甚富而性行拘謹故見紉於存厚字鳳池雙流人

(23) 曲同豐

段氏門下稱文武才者徐樹錚外曲同豐一人而已平生師事祺瑞凡所動作一承段旨軍事學稱最優早通經史亦士官學生清季曾任北洋軍官視樹錚爲先進也與靳雲鵬氏同爲祺瑞入室弟子辛亥後曾代蔣方震爲軍官學校校長段氏反對帝制同豐爲至陝西說陳樹藩獨立而秦中全境遂入段氏勢力範圍既而入參戰處幕下段氏編國防軍授爲師長學行優湛稱爲段派之君子師弟感情尤摯視又錚之驕恣跋扈屢陷其師於不義者蓋有賢不肖之別矣字偉卿黃縣人士族也

(24) 岳開先

岳開先清威信公鍾琪之裔字辟疆曾留學日本爲士官學校畢業生而性行和緩不類軍

人前清時以良弼之薦充東三省教練處總辦旋保知府民國成立乃居閒散亦恒輸款段氏丁巳段任參戰督辦引致幕中開先拘謹且從祺瑞未久故其名不彰

二 官僚

(1) 田文烈

文烈鄂人少卒業北洋武備學堂有文武兼資之稱嘗與段祺瑞同從項城治軍北洋寵遇幾與段氏相伯仲軍事學甚優饒於智計故有田單陸遜之稱陸指建章田卽文烈也光復後歷任山東河南巡按兼攝豫督居官持重和平故詆毀不聞祺瑞組閣田氏內調自請長農部不願居繁臚也數年已來每遇內閣改組報紙必宣傳田氏組閣然皆捉影之談以彼安於閒散財交兩部且弗任何說首揆迨靳雲鵬執政遂調任內務總長

(2) 許世英

世英長不滿五尺向辯才無礙機譬過人亦段氏門下之翹楚也安徽寧國人曾留學日本習法政以刑部主事供差北洋事祺瑞甚謹復從徐世昌至奉天爲高等審判廳廳丞工酬應衣服車馬甚都與張金坡過從最密革命軍起與張同歸天津入民國爲司法總長旋以

事謝法曹出爲福建巡按使。帝制議起，許附段，持異議。及段正式組閣，竟任爲交通總長。府院之爭，孫徐交闕，世英力任調停，不得要領，則獻議請東海出解紛。又嘗爲書勸告祺瑞，勿過信樹錚、祺瑞，泄其語於國務院。許大窘，旋以賄受劾，賴祺瑞力薄懲而已。遂罷官。僑寓析津，時與張錫鑾遊，以平生揮霍至是頗苦拮据。東海就任，甚欲奔走南北，冀獵得一席地，以徐段知遇之素，或不使其撫髀生慨也。字俊人。

(3) 龔心湛

心湛籍隸合肥，與祺瑞同鄉。里當前清時，以知縣官廣東，屢遷至道。員受知於岑春煊，張人駿復從李經羲至滇，任臨安開廣道。地接安南，居官以勤幹聞於時，頗著政績。民國後，曾長皖省財政，旋內用爲財部次長。事段氏，惟謹。段黨組織安福部，龔投爲黨員。外任安徽省長，未幾卽內長財政，頗效忠於段。系旋代首揆，而措制多乖。時宜理財，亦無長策。左支右絀，嘗爲靳翼青所辱，鬱鬱求去。以段祺瑞之慰留而止。今靳氏已起而代之矣。心湛以安福興亦以安福敗，以利交者不可終者。

(4) 梁啓超

啓超師事康有爲而張康復辟梁則力佐祺瑞討逆殆師弟各行其志歟前清戊戌之變禍由袁世凱大興黨獄梁則逃去於是痛詆袁氏之論調宣騰報紙久居日本設新聞社以自鳴辛亥起義梁歸國道經奉天猶與熊希齡等高談排滿之非是迨各省獨立清廷授爲法部副大臣則已知清將不祿觀望不前袁政府成立超乃謁袁歡若平生戊戌之嫌頓釋則鼓吹中央集權主義以投袁氏之好熊氏組閣任國務員及袁氏盜國祺瑞以持異議免官梁則與蔡鐸密謀反抗內結段氏外說榮廷以總參謀自任袁死黎繼祺瑞當國復力主對德絕交段氏方欲攘外以安內益踴其議及復辟禍作偕段氏入陳光遠營演說大義誓師馬廠卒成討逆之功得任爲財政總長段再罷梁亦辭去自謂必十年不入政界後又暗參歐洲和議近甫回國有飲冰室文集行於世然文實冗長膚廓詩詞曲皆駁而舉國皆奉爲文章山斗云。

(5) 范源濂

范源濂字靜生湘陰人初肄業湖南時務學堂爲梁啟超所識拔繼留學日本師範歸仕清室爲學部主事後擢員外郎人極謹飭上官頗倚任之民國成立奔走南北於雙方感情亦

無忤。蔡元培任教育總長。以源濂久官學部。熟悉部務。遂薦爲次長。頗資翊贊。唐紹儀辭國務總理。職元培隨之去位。范卽坐升總長。初與啓超等同隸共和黨。嗣以黃興挽其改入國民黨。左右爲難。遂脫離共和黨。力持不黨主義。終仍掛名國民黨。籍保其閣員位置。迨熊希齡組織名流內閣。始下野。上海各書局爭迎之。遂爲中華書局總編輯。頗有息影林下不預國事之概。袁帝殂。謝黃陂繼任總統。段祺瑞首次組閣。原任孫洪伊爲教育總長。旋調內務。仍起源濂。長教育。繼又兼長內務。由是與段閣相終始。直至王士珍執政時始去職。遂往美國考察學務。回國後與熊希齡等屢上書政府。陳說湘事。頗爲當局所注目。而繼長教育之呼聲。又頻觸耳鼓。蓋自人民國。范氏久綰學政於京。學界頗具潛勢力也。近以各省學潮澎湃。政府曾遣其南下相機斡旋。冀消弭於無形。范氏溫厚平實。不愧儒者。亦頗爲學界所尊重云。

(6) 王揖唐

揖唐原名賡。合肥人。以鄉誼竊附段氏。實前清進士。而留學日本。士官者歸國後。以道員需次奉天。曾任兵備分處總辦。袁氏當國。皖人多掌兵柄。而揖唐獨包辦政黨。以擁護項城。復

出任吉林巡按使。欲藉墾荒名獨擢。大利爲孟恩遠所屈。不得志而歸。還任參政。鼓吹帝制。迨段氏二次組閣。小徐欲結合新政黨。自樹標幟。揖唐則出其曩昔包辦之故。智傾心結。納以附段。氏安福系於是成立。已則爲衆議院長。舉徐世昌爲總統。而要徐爲安福黨魁。蓋聊以解嘲耳。揖唐從段黨。意指對南方主戰而東海繼任反派。朱啟鈞營和揖唐。則嗾安福部倒錢內閣以示威。而自任議和總代表。貿然南下。滬上士商同聲醜詆。以羞見國賊。張示通衢。而揖唐熟視若無覩也。居滬既久。大不理於南方。且餉以炸彈。苦無聊賴。徒以居留之誼。媚猶太人。哈同以自遣。至以女女之。或謂哈同以多金名揖唐。則愛財若命也。其然。豈其然乎。論者又以揖唐擬諸阮大鍼。然大鍼猶思結納名士。春燈燕子比附風雅之林。若揖唐者。何能望其項背耶。

(7) 曹汝霖

曹汝霖爲親日派之領袖。以善借日本巨債效忠段氏久長。交通祺瑞。又錚倚之。若右臂。梁財神弗如也。字潤田。上海人。留學日本。歸國後受知弈劭。那桐數爲書說以干當道。而細於文。則出資遣人潤色以成章。而聲譽日著。由額外司員屢遷。至左丞。攝侍郎事。中日間島交

涉當軸苦棘手汝霖獻計奕助以安奉之警權吉長之路權讓諸日本交換間島案以解決當時以損失殊鉅人言嘖嘖而汝霖則朝眷正隆也辛亥後復爲項城所倚重民國以來凡屬中日交涉如五九之約二十一條之酷律以及種種表權失利飲酖自殺之外債無不出自汝霖之手與小徐交最密故祺瑞視之若子弟王揖唐之包辦政黨汝霖亦主要人物也機警善變而對人貌甚和易能忍辱唾罵弗校也今雖爲國人所逐而勢力曾未稍減擁資已富於季氏矣

(8) 章宗祥

章氏吳興狄港人亦留學日本與曹汝霖同爲親日派清季爲民政部司員旋擢內城巡警廳丞入民國曾任大理院院長遷司法總長段祺瑞二次組閣方倚日本爲外府宗祥使日凡段氏與日所訂約宗祥多爲經手簽字曹汝霖陸宗輿皆其至交故段黨亦倚爲指臂其人魄力單薄亦無曹陸之神工鬼斧居官碌碌但工趨避阿附權要耳

(9) 陸宗輿

陸宗輿與曹汝霖同爲親日黨領袖又爲新交通系中堅分子强悍不若汝霖而警敏過之

字潤。生海寧人。清舉人。留學日本。速成。法政歸納。賞爲郎中。工於結納。爲朝官。所賞。任憲政。編查館幫提調。兼充政務處參議。奕劻重其才。擢授四品京堂。徐世昌督東。調辦東三省鹽務。乃爲制令章程。一時行銷甚暢。稅額日增。因仍兼京差。常往來奉京間。人皆以幹員目之。錫良至東。呈請辭職。良以其應對明晰。且諳外交。雖允其離。奉月支俸銀如故。奕劻內閣成立。授郵鑄局長。國變後。復爲項城所汲引。歷任國務院秘書。駐日公使幣制局總裁。段氏對南用兵時。頗於借款有所盡力。故與汝霖等同爲段氏所倚重。嗣以歐洲和約失敗。受國人指摘。與汝霖宗祥同去職。而暗中活動不讓。曩昔亦一時未易才也。

(10) 周肇祥

肇祥。浙人。字仰菴。或謂其初爲北洋電報生。或謂其曾卒業於警視學校。受知於趙爾巽。從之至蜀。任四川巡警道。辦理警政。但求形式。苛捐嚴罰。民怨沸騰。旋爾巽移督東三省。乃自請開缺。游歷日本。未幾至奉。爾巽留辦省會巡警。迨鄂軍起。義奉事岌岌。肇祥等乃議結保安會。國變後。爾巽稱奉天都督。仍畀以民政。商民惡之者。與蜀同。嗣復有寵於袁氏。屢居要津。丁巳之秋。祺瑞志在得湘。授傅良佐爲湘督。卽以周氏爲省長。旣蒞任。而范國璋王汝賢

主。張。停。戰。紛。紛。退。師。乃。偕。良。佐。胥。遁。反。通。電。自。護。人。皆。斥。爲。無。恥。已。而。交。付。懲。戒。倚。祺。瑞。勢。竟。不。赴。質。後。爲。張。作。霖。所。引。用。近。奉。派。籌。辦。葫。蘆。開。埠。事。宜。皆。段。之。力。也。

(11) 張國淦

國。淦。鄂。人。少。工。文。詞。通。舊。學。初。以。甲。科。中。書。從。周。樹。模。於。黑。龍。江。爲。江。省。六。署。秘。書。辛。亥。武。昌。起。義。黎。元。洪。慕。其。賢。聘。入。幕。府。時。饒。漢。祥。以。議。論。辭。藻。傾。動。一。時。至。若。嫻。故。事。諸。體。制。則。終。推。國。淦。徐。世。昌。任。國。務。卿。薦。國。淦。爲。參。政。帝。制。議。起。元。洪。與。決。從。違。不。敢。勸。其。拒。袁。及。元。洪。繼。任。總。統。授。國。淦。爲。內。務。總。長。未。幾。又。簡。爲。黑。龍。江。巡。按。使。均。未。蒞。任。充。國。務。院。秘。書。長。段。氏。二。次。組。閣。遂。長。農。商。繼。又。隨。段。氏。去。職。近。派。爲。漢。口。商。場。督。辦。鄂。人。羣。起。反。對。幾。經。疏。通。仍。未。融。洽。一。時。恐。難。到。差。也。

(12) 方 樞

方。樞。字。立。之。皖。人。留。學。日。本。習。法。政。歸。供。職。奉。天。諮。議。局。籌。辦。處。爲。張。元。奇。所。賞。識。薦。諸。錫。良。將。引。入。幕。府。又。以。其。娶。有。日。婦。慮。洩。機。要。事。竟。寢。嗣。調。京。師。法。制。局。徐。世。昌。任。國。務。卿。遂。援。入。公。府。時。袁。氏。方。修。約。法。樞。實。預。其。事。已。而。洪。憲。改。元。與。顧。鰲。等。同。受。命。制。定。憲。法。未。就。

而帝制取消。方氏隨人進退。善於逢迎。故復有寵於段氏。爲北方議和代表之一。不啻段氏之代表也。

(13) 張 弧

張弧。前清舉人。籍隸紹興。字岱杉。仕粵。爲岑春煊所劾。至吉林。以女優獻陳昭常。旋開復。任吉林官運事。入民國。久筦鹽政。亦次長。財部與王揖唐聯姻。以附段氏。豪縱自喜。工結納。好漁色。曾私一婢。午夜幽會。時正嚴寒。爲煤氣薰灼。雙雙垂斃。家人營救。始甦。京師盛傳。張弧得勳二位。薰勳蓋同音也。以聚斂。才得段氏信任。鹽政權久操外人手。弧獨以恭順異族。久於其事。惟周學熙薄其爲人。故周長財政時。弧嘗乞退。

(14) 陸 徵 祥

陸徵祥。曾肄業俄京大學。庚子之役。參贊中俄交涉。頗著時譽。旣而授爲使俄大臣。辛亥首電乞清廷遜讓袁氏。當國仕爲外交總長。唐內閣旣倒。徵祥以無黨派關係。組織超然內閣。袁氏喜其和順。頗倚任之。洪憲紀元時。陸方以首揆領班朝賀也。復辟失敗。段氏執政。復長外部。歐戰旣終。任爲議和專使。道出日本時。中途頗失重要文件。以是搆病。或謂係外交家。

之。手。段。云。字。子。欣。上。海。人。衣。食。住。悉。摹。歐。俗。

(15) 傅增湘

傅增湘字沅叔四川江安人清進士授翰林院編修任貴州學政後改官直隸道員赴日考察學務歸袁世凱頗倚以興學復遂授直隸提學使治事詳慎頗調停新舊學改革後辭職已而復出任教育次長段祺瑞二次組閣擢任總長恂恂儒雅不隸黨派與北洋軍官半聯鄉誼交馮國璋至密而段氏亦頗引重之去歲京師學潮起厄於權貴無由排解憤而辭職不待批准匆匆離京人皆不知其何往其中懷不平亦可見一斑矣

(16) 呂調元

呂調元前清以縣令起家官直隸張綱鑿亟稱其能有幹吏之目入民國曾任參政院參政工逢迎得擢爲陝西巡按使與陸建章狼狽爲奸大興鴉片稅人言嘖嘖弗顧也於是秦中遍地皆煙後陳樹藩承段祺瑞指逐陸建章調元亦宵遁則力附段氏以求用而殊不得志迨龔心湛內長財部始代龔爲皖省長亦段系之力也未幾又以與倪嗣冲不洽去位字燮甫懷寧人

(17) 江庸

江庸係江瀚子長樂人少習法政亦工文學著述甚富瀚爲清季學部參事庸嘗爲訂教育章制入民國初不甚眷於袁氏復以反對帝制爲段氏所重得啓超化龍之汲引段氏組閣遂長法部頗持清議時有擬赦帝制諸犯者庸輒弗許未幾因是辭職祺瑞旣器重其爲人授爲日本留學生監督字逸雲



段祺瑞



二八

段祺瑞下編終

附錄

段氏之史蹟

一 段氏之家庭

段氏世系合肥風尚樸質故其家庭無豪華驕貴之習生平長於治軍其治家也亦頗持嚴肅主義前清雖歷官統制及江北提督而律已甚嚴取攜不苟王士珍提督江北時以清廉聞於時段繼其任尤敦勵風節故其家財亦遠不逮各督軍之饒富民國以來偉人達官多擁姬妾以自娛有東山聲伎之雅而祺瑞獨不蓄妾婢不嗜聲色故家庭之間肅如也居家時起居有節言笑不苟惟每有弗懌則恒詈及家人子女以爲洩忿之劑故家人皆畏之如虎伉儷亦以和順著而教子尤嚴故段氏子弟雖久處春明繁盛之區未聞有裘馬輕狂之概較之項城之後大相逕庭則段氏之治家洵可爲一般達官貴人之模範也至其瑣瑣情事無關大雅茲弗錄

二 段氏之介弟

段祺。勳。祺。瑞。弟。也。字。子。猷。少。習。軍。事。曾。赴。日。本。留。學。畢。業。士。官。學。校。歸。國。後。納。貲。爲。候。補。道。光。緒。末。徐。世。昌。爲。東。三。省。總。督。挈。祺。勳。至。奉。天。以。其。習。武。東。瀛。且。爲。北。洋。名。將。校。之。弟。特。任。爲。督。練。公。所。兵。備。處。總。辦。然。才。具。不。如。乃。兄。性。行。荏。弱。未。能。有。所。建。白。視。祺。瑞。之。龍。拏。虎。擲。一。往。無。前。者。蓋。殊。不。倫。入。民。國。尤。韜。晦。祺。瑞。久。典。戎。樞。歷。磨。揆。席。而。勳。轉。閱。寂。無。所。表。見。昔。者。河。東。有。三。鳳。茲。段。家。惟。一。虎。耳。

三 段氏之文藝

段芝泉治軍事學號爲第一。故文藝殊非所長。聞其任江北提督時。曾度官廨餘地。鑿水植木。治園林之勝。落成後。曾自擬長聯以寫懷抱。中有好一派肅殺景象之句。殊有五行金肅之概。其爲人之勁厲。可知年來從政餘暇。亦嘗學字而少習。輒止殆。所謂書記名不足學也。論者謂袁世項好名。故詩人騷士亦嘗羅致幕下。其子克文。幾以陳王自命。而段氏不然。如樊山笑龔等。以名士風流自詡者。段氏曾未一與接近。其志趨可概見矣。或曰文人多無行。段氏實鄙不屑道也。理或然歟。

四 段氏之經濟

今之據當路寄方面者大者擁資數千萬金小亦數十百萬而強段祺瑞久長陸軍三爲首揆其富當加人一等而殊不然其操行之潔尙足風世也計其三次組閣所借外債何啻億萬居其間者爲獯爲鷹已有金谷石崇之雅而祺瑞殊無可取強半供武人之鑲需餘則爲小徐王老板等組織新政黨耳以視馮國璋之官商兼營憐財若命蓋不可同年而語故服飾車馬之盛轉不若一總次長自奉亦殊皎潔計其身入民國聲勢之盛日新又新而府學胡同之住宅未嘗一改舊觀云

五 段氏之交際

段氏厚重寡文言笑不苟履履碩人岸崖甚高雖弗逮東海之和霽豁達顧亦無官僚矜持之習與人周旋辭氣亦循循有序其接見僚屬繁文縟節皆弗尙如脂如韋者段氏所弗與也性行峭直不喜面諛己亦從不面諛人平生折服項城惟命是聽而對於帝制則極端反抗袁氏猜防備至閒居鬱鬱不敢越雷池一步倘在他人未有不廣絕交者然自帝制取銷後仍出而身膺鉅艱爲項城收拾殘局殷殷懇懇終無怨言是其友誼之篤尤不可及也段氏不輕然諾有言必踐惟好同惡異與人交初若落落難合至旣得其信任則終始倚之不

以人言易操也。爲軍事專家外交非所長。

六 段氏之宗旨

段祺瑞反對帝制而不重民權。主張共和而不喜民黨。以倒袁之力討逆之功。自信甚深。剛而攬權。視黃陂河間。蔑如也。對於西南則主戰。適馮國璋倡言調和。明示反對。段更堅持。用武至不恤大借外債。以國家爲孤注。蓋心所謂可必欲達其目的。心所謂非不惜盡排衆議。段氏之習性然也。其對於外交初無成見。故袁世凱要結日本。段則通電各省。至欲與日宣戰。及其用兵西南。則惟又錚汝霖是聽。而所以親日者。又惟恐不至。其主對德奧。紀交實納。湯梁之言當是。雖別有意旨。然以今日大勢論之。在外交上。未始無功。特國內多故。參戰之成績。殊薄耳。總之。段氏爲軍閥中之賢者。故措揮調度。是其所長。而行政用人。每多未愜。然贊成民主。不許君權。復活則段氏一定之宗旨也。

七 段氏之嗜好

段氏不好貨。不好色。宮室之美。輿馬之盛。妻妾之奉。皆能屏除。弗事。雖能飲酒。而舉爵有數。每當宴會。未嘗以鯨吸。自豪。舉杯相屬。油油如也。間亦觀劇。對於譚鑫培。陳德霖等。亦時擊。

節稱賞。鳳卿、梅郎亦無貶辭。獨弗與女伶耳。余嘗見國務院中員司多酷好女優者。如劉喜奎、鮮靈芝、沈飄香等。各持門戶以爲談柄。至書其名爲長生位。各奉所主。互相標榜。迨袁氏既敗。重起祺瑞組織。責任內閣。段氏蒞院。有期則羣毀其所書女伶名藉以歛迹。其風厲可見一斑矣。或曰：段氏嗜煙未敢以爲信也。

八 段氏之逸興

奕雖小道而學之不專性之弗近者未能深造也。吾國藝術衰歇已久。卽以圍棋論。周小松以後已繼起無人。而日本三島轉以奕著。如高部道平者。當其來遊中國。國人且莫能與敵焉。曲藝且然而況其他。祺瑞生平他無所嗜。特嗜奕耳。其任總理時。每日必圍棋。一二局善奕者。如王雲峯、吳祥麟等。亦嘗出入於段氏之門。祺瑞父子皆好奕。而父不如子。祺瑞好勝。奕而負。輒藉他事以詈家人。其子弗敢與奕。他人亦時破觚爲圍。弗盡其技。段氏勁氣外。磚而好大喜功。惟一秤相對。則萬念皆斂云。



中華民國九年五月付印
中華民國十一年四月八版

段 祺 瑞 (全一冊)

定 價 大 洋 六 角 正



版權
所有

編 輯 者 沃 邱 仲 子

印 刷 者 廣 文 書 局

分 發 行 者 上 海 世 界 書 局
廣州·北京·漢口·杭州等分局

總發行所 (上海) 世 界 書 局

卷七八九

